

BèssenmGezèt

Gezèt vur alle chappeleke luij van Laoneke

Twieënvieftegste jaorgaank

2024

Gratis en vur niks ien Groet-Laoneke.
Kospries boete Laoneke: 11 kier eine euro
(allein betale mèt de baankkaart es touwgelaote)

Gedrök op èllefdoezend-en-èlef stöks.
PDF-bestaand van dees gezèt op vraog te verkriege:
bessemgezet@telenet.be

Onder auspicië van de
Raad van Laon tot Aoke
www.deraodvanlaontotaoke.be

**Preens Wouter I en de
Raod van Laon tot Aoke**

4

Den aaftrop op dónderdeg 8 fibrewari
Dries I en Lowie I
opene karneval 2024

9

Zóndeg 11 fibrewari
Karnevalsstoet Laoneke

20

Iech, zijne doorslöstige Hoegheid

Preens Wouter d'n ierste

49ste Preens van het Hekseriek Laoneke

bin aangestèld tot Preens van Laoneke
door de drei Wijze van de Raod van Laon tot
Aoke: Marc Nijs, Aajd Preens Erwin Caubergh
en Roger Barthels.

Zij höbbe miech ónmiddelèk e paar
sjoen ieretitels mètgegeave:

- Alleinhierser van de Greun
Hierlekheid Laoneke
- Keuning van alle Laoneker vastel-
aovendsgekke en dat vur enen tied
van get minder as ein jaor.

Iech bin ien Laoneke ouch gekind as:

- Papa van aajd-jeugpreens Liam
- Besjeremhier van alle
vloerchappers
- Souverein hierser van 't
Preensdom de Bessemer
- Ridder van de
Molenbergstraot
- Fanatieke
leefhöbber van
kaw bølkes

**MÈT GRATIS
POSTER**
kiek binnenien



De lèste jaore maog de preens van Laoneke eu-
ver ene nuijen oto ien bruukdien besjikke van
garaasj Carlisi oet Smaermaas. Nouw nog ene
gölle betaler van de benzien zeuke, messjien
ouch wel ene spoonser vur de snelheidseuver-
treijinge. Tenzij de gemeente Laoneke zellef
vur deij koste euver de brök keump. Op de foto
zeet ger de oetlieners Mario en Daniëlle Carlisi-
Hendriks, preens Wouter I en de twee jeug-
preense Lowie I en Dries I. En of ze fier zien!



**CARWASH
CARLISI**

Maaseikersteenweg 235 • Lanaken T. +32(0)89 71 36 57

 **CARLISI**
www.carlisi.eu 

Mechanical
Electrical
Pneumatic
Hydraulic

 **M.E.P.H.
ENGINEERING**

INDUSTRIAL MAINTENANCE AND ENGINEERING

+32 (0)476 60 33 94



Scan de QR-code en
download de app van de
Raod van Laon tot Aoke.

OPGEPAS:

dees Bèssenmgezèt steit
gaans vol met flawwe käl,
sjaele zeiver en Fake News.





Pedro haet gelierd daste mós kontent zien met watste hōbs.

Weurdje van de veurzitter

Beste karnevaliste,
De preense zien oetgerope!
Jeugpreens Lowie I, jeugpreens Dries I (achterkleinzoon van Willy Stöcker) en Preens Wouter I. Ze goon zörrege dat de karneval dit jaor wir op gaank keump.
Aanstaonde zóndeg ès het wir zoewied, de karneval boe ver allemaal nao oetgekeke hōbbe! Iech deenk dat 't wir geit knalle ien Laoneke mèt zoe e preensetrio.
Karneval vilt bès vreug dit jaor, de redactie van de Bèssemgezèt haet gaas mótte gaeve um dit geweldeg exemplaar wir op tied bij den drökker te kriege!
Iech wil dit jaor ien 't teike zètte van ene gezellege strao-tkarneval. Van café nao café, van café nao tent, kwatsje op straot met collega-karnevaliste, peentjes drenke mèt vrun en genete van de meziek. Alles ien 't teike van gezelleghed en vreundsjap!

Ouch wil iech effe stilstoon bij de karnevaliste deij ós aafgeloupe jaor óntvalle zien. Ien het bezónder deenk iech dan aan Willy Stöcker, as medeoprichter van de Raod van Laon tot Aoke en veurtrèkker van de karneval ien Laoneke. Her stoont zellefs aan de weeg van de Bèssemgezèt, óndertösse oetgegreujd tot e fenomeen. Willy, bedaank!

Tenslotte wil iech de karnevaliste oprope um 'r ne goje lap op te gaeve. Het ès e kort seizoen, meh laote ver d'r een geweldeg editie van maoke.

De veurzitter van de RvLta,

Vladimir



Weurdje van de redaktie

Zoe, de Bèssemgezèt 2024 ès vaerdeg, de tekskes zien klaor, de foto's zien gemaok en bewèrrek.
Achiël haet alles ien 'ne geweldede lay-out gezat en drökker Jack Pietermans haet er een tastbaar gezèt van gemaok. Venaovend, bij de veurstèlling van de gezèt door Youri Veugen, gief de redactie officieel de gezèt

as kedo euver aan de Raod, zene nuije Preens Wouter en de jeugpreense Dries en Lowie.
E paor daag laoter en zeker vùr de karneval, lik het eindresultaat bij uch ien de brevbōs. Ver mótte zeker ouch vermelde dat ver dit jaor nuij leden van de redactie hōbbe bijgekreg, met name: Luc Prevaes (trök op het nès) en Jean-Marie Meeuwis-

sen. Ver weense uch allemaal vööl laes- en kiekplezeer.
De redactie 2024: Eddy Meuris, Roger Barthels, Achiël Geurts, Yoeri Veugen, Pieter Rasking, Ivo Smets, Gunter Claessens, Jean-Luc Florens, Jolien Briers, Jef Janssen, Ronny Tollenaers, Luc Prevaes, Jean-Marie Meeuwissen en Jean-Pierre Hermans.

WEURDJE VAN DE BÖRGEMEISTER

Men leef luij,

Nit vreigele meh saomewèrreke. Krachte bundele ... weij ze dat doen ien de polletiek. E kartèl vörreme of toch nit. Ien Laoneke waar het aan en dan wir oet. Wèt iemes wat den huidege staand van de vrijasj ès tösse cd&v en N-VA?
Twie weite mie dan eine. Luustere kos niks. Vraag dat mer ins aan e laankgetroujd koppel. Deij doen ouch alles saome. De maan wik, de vrouw besjik. Alle gelökkeg getroujde manne zien de maan van de baas. Jus



Marino how natuurlek lever mie bōlkes gehad. Slech veurteike vur de verkezinge?

daodoor zien ze gelökkeg. Kint ger mech nog vollege? Toch geluif iech hiel erreg ien parti-

cipaatie. Vreigele los niks op en het laeve ès te sjoen um vurbij te laote goon mèt ruizinge. Al deij bazege vrouwluij en al deij ónderdaneg manne hōbbe dèks vööl gooj gedachte en veurstèlle. Boe ver het allemaal euver eins zien, ès dat karneval vereinig en het bête van de minse nao bove häölt. Dao kin de polletiek nog wel get van liere! Karneval ès sjaele zeiver en flawwe kääol. Wèh nit ien de Bèssemgezèt steit, sjut tekort. Wakker waere, collega's ien de polletiek. Op 13 oktober zien het verkezinge
Marino Keulen, Börgemeister

Sportlaureaat 2024 Jo Wouters



Jo ès ene geweldede sportmaan. Her ès altied op de baan mèt de fits, ene koersfits of ene mountainbike natuurlek, of her ès aan 't loupe ien de natuur. Her haet dan ouch gein gram vèt te vööl. Dus ver maoe 'm zeker lauwere as enen actieve sportmaan. Jo ès óndertösse de 71 vurbij.

Ouch passief óntsnap 'm niks. Op alle groete coureurwedstrijde ès 'r as supporter aanwezig en kin her hiel goed de prestaties van de coureurs iensjatte. Ouch ien het veldrije läöt her gein groet evenemeent vurbijgoon. Jo steit daan ouch al jaore ien vur het roondbringe van de Bèssemgezèt door Laoneke. Deij gezèt roondbringe mót gebäöre tösse zaoterdegmörrege en woonsdeg, ien de zón, ien de raegen, of ien de stórrem. Dat

zien hiel vööl hoezer, en dan ouch nog mèt het gewich van al deij gezètte achter op de fits. Al e paor jaor haet 'r Groet-Laoneke 'laote vaore'. Nouw zouw Jo d'r

ouch aan deenke um Laoneke zelf aan aandere euver te laote. Jo, ver hōbbe alle begrip vur den beslissing. Bedaank vur den titanewerrek van hiel vööl jaore!

Program karnevalsdaag
Donderdeg 8 fibrewari: De groete opener Cultuurcafé tiv de jeugpreense
Vriedeg 9 fibrewari: Machseuverdrach gemeintehoes op oetnuddeging
Zaoterdeg 10 fibr.: Aajdwieverbal CCL
Zóndeg 11 fibrewari: Karnevalsstoet

Laoneke en straotkarneval
Parcoers stoet: Pannestraot, Staotiestraot, Bèssemerstraot, Heijkaant, Waoterstraot, de Merodelaan, Keuning Albèèrstraot, óntbinding vur de kèrrek
Nao 13.00 oor gein verkier meugelek ien het centrum! Parkings blieve ope

Maondeg 12 fibrewari: Straotkarneval
Deensdeg 13 fibrewari: Straotkarneval en um 23.11 u Hèkseverbranning
Hang de Bèssemgezèt (kinder-)poster vur de vinster en verseer uch hoes!
Bōs rijdt tösse Laoneke Centrum en Rèkem. Mie info op facebook.

De bak van de Bèssem

De Bak van de Bèssem geit nao iemes mèt karnavalsblood ien zen aojers. Ver deenke zellefs dat 'r de karneval mèt de bokfles iengesjöd kreeg van papa Edgar (Weltjens) en mama Yolanda (Warson). Vreuger ging 'r al op stap mèt de Doorbieters. Laoter dach 'r zellef ene groep op te richte mèt de gedachte: "Dat kin iech ouch!".
De Klungelère goon content en fier zien dat dit jaor de Bak van de Bèssem nao hunne veurzitter Sid Weltjens geit. Sid ès de vreund van Anneleen (Massot), jao inderdaad, "de" Anneleen Prinses van de Galliare oet Gèllek. Ze woene saome op de Wiengardstraot en zien bezaete van de karneval. Ze laote gein karnevalsbal aan hun naas vurbij goon, op veurwaarde dat 'r e stök keersevlaai mèt te pikke



Sid Weltjens: karneval ien hart en nere.

ès. Sid läöt dan ouch gein gelegenheid vurbij goon um de micro te pakke um e stökske te zinge. Her haet eigelek mer ein leedje dat 'r kin zinge..., 'Proemevlaai' van de Janse Bagge Band. Messjien dat ver 'm op de veurstèlling van de gezèt zoe gek kinne maoke um as tegenprestaotie dat leedje te zinge? De Klungelère drenke en daanse gaere mèt. Proficiat Sid en aan alle lede van de Klungelère.

Orde van de karnevalis

De orde weurt op de preenseproclamaotie door de Raod oetgeriek aan Jo en Greetje Masset. De mieste luij en zeker de echte karnevaliste kinne ze wel van de café Ché op de Keuning Albertlaan ien Laoneke. Ien de karnevalsperiode bouwde ze de zaal um tot "de" prachtege karnevalstempel van het hekseriek Laoneke. Ouch kinne ver as Raod al jaore op hunne



steun via spoonsering raekene. Ger hōb dus deij orde hiel zeker verdeend. **PROFICIAT!**

Orde van de Bèssem

De Orde van de Bèssem weurt jaorleks oetgeriek door de Raod van Laon tot Aoke aan ene persoon mèt e werrem hart (of enen dikke portemonnee) vur de karneval ien Laoneke. Dit jaor veel ós aug op Mario en Daniëlle Carlisi (en veuraal op Daniëlle). As eigenaer van de Toyotagraasj zien ze al versjeiene jaore hofleverancier en spoonser van de preensleken oto... Vur de benzien mót de preens zellef zörrege. Dit jaor geit den oto nit op het podium rije of geduijd weure. Ofwel ès den oto dit jaor e stök groeter dan aander jaore, ofwel zien de



deure nao het podium smao-ler gewore. Ger kint de preenseleken oto wel ien de hal van het CCL bewóndere. Ien eder gevaal, Mario en Daniëlle, van harte bedaank vur de jaorlekse geste en ouch proficiat mèt de Orde van de Bèssem.

PIETERMANS
MEER DAN DRUKWERK ALLEEN...
Wolfstraat 1 - 3620 Lanaken • +32 (0)89 714350
info@drukkerijpietermans.be • www.drukkerijpietermans.be
Postbus 2715 - 6201 JA Maastricht

De hoop
Café

MAURICE VAN AKEN
DrinkB Benelux
M +32 495 51 88 95
T +32 89 68 02 77
E mva@drinkb.com
W www.drinkb.com
A Sprinkelsestraat 47
3690 Zutendaal
Belgium
IMPORT BRAZILIAANSE RUM

Het jaor van Sjang

Zoe 2023 haet de piep aan Martin gegaave. Ver richte ós nouw volledig op 2024, het verkeziingsjaor. 2023 brach ós zeker gein weelde, wel e paor zwoer kaoters. Het industrieel proonkstök van de gemeente, de SAPPI, mèt ze gèld en zen bestuurders ien Zuid-Afrika, haet Laoneke vur jaore terökgeflote. Crisis ien hiel get Laonekers hoeshawes en ien de portemonnee van de gemeente. De börge-meister zaet ederes kier dat het good geit mèt de financiën en ien einen aojem zaet h'r dat ver mótte bezuinege en oetkieke boe ver ós gèld aan besteije. Spieteg dat deij euverweging vurheen precies nit gemaok woort. Vur de rès ès Laoneke de lèste jaore

oet de sijnwèrrepers verdwene. De buurgemeintes höbbe het veurtouw genome. Zoe ien de lèste rechte lijn nao verkeziinge liek Laoneke nog wel op een modelgemeinte. Dan weure de vrijwilligers, minse deij het vereinigingslaeven ien staand hawe, gevierd mèt royale spijs en draank. Dan weurt 't touverwoord participatie te pas en te onpas gebruik en misbruuk. Ien Laoneke zegge ze dan: "Het tuint get!" Wat geit ós 2024 bringe? Wèh zal het zègge? De kezer ès zellefs niemie verplicht um te goon stumme. Geit h'r toch midde ien den oktoberstörrem zich nao de stumbös sleipe um aan z'n börgerverplichtinge te voldoen? Welke partije melde

zich aan? De börge-meister geit alvast zen troepe ien geslote slaogorde opstèlle. Alles roond häöm. Open-VLD haet plaats mótte maoke vur Team Börge-meister. Genne mins dèh eneg vermoede haet vurwat. Ondertösse lik de coalite Greun-Roed wir op veenkeslaog. Geit 't Vlaams Belang root ien het aete goeije? Geit de CD&V zónder Vera Jans verrasse of bleus den NVA geliek ne hërfststörrem alles plat? De Börger of nog precieser gezach, de stummer zal beslisse! Vööl amuseement!



't Ès zoewied: de run vur de plaetskes ien de gemeinteraod ès volop gestart. Messijen ès het hoeg tied vur verjónging, of geit dèh mèt het bèsste louprekske met den hoofpries loupe?



Peter Gillis ès 'r as de kippe bij um ze nuij projec te laote zien op de grond van Sappi.

As het kadaver van een bies nog nit hielemaal aafgekeuld ès, dan circulere al giere bove ien de loch. Ien de natuur en zeker ouch ien de zaakewaereld en de maffia ès dat zoe. Dao zien 'r altied deij hun kaans ruke um gooj zaake te doen. Ouch roond SAPPI waor dat wir zoe. Zaokemagnaat Peter Gillis ruuk geld en haet de grond roond de Sappi al onmiddellek iengenómme, um op termijn een VIP-camping mèt speeltuin, pretpark en hotel oet de grond te staampe. 'Druime zien bedrog', zinge de Belze, het zal uch dan ouch nit verwóndere dat Peter enen Hollender ès. Weurt vervolleg.

Kèrrekbestuur köp Duits örgel vur St.-Ursulakèrrek Laoneke



Het milieu

Ver höbbe te vööl verreke en keu, dat zègge deij van het milieu. Goon ver ze dan op 'n aander kweke? Da's sijnbaar baeter, dat ès gebleke. Rakette en bómme maoge allemaal, zien precies vergaete ien dit verhaal. Fossiele braandstof weurt gewaerd, ver goon wir trök nao kaar en paerd. Ver mótte mie rije op ellentrik, ze zien geluif iech van lötje getik. Boe goon ver dan dèh stroom hole, toch nit ien Ruslaand of ien Pole? Ver zulle de norme mótte berieke, zoewel de erreme as de rieke. Al zal dat nit zoe gemaakelek goon, 't zal wel mótte en ès vandoon!

Verdach oliespoor



Op de Bèssemerstraat woort verleije waek e verdach oliespoor aangetroffe. Volleges de pelisie waor dao mie aan de haand. Vermoed weurt dat de chauffeur van d'n oto dèh d'n olie verloor, zellef fleenk ien den olie waor. Het ónderzoek löp wijer.

Het voedselbos

Vreuger behaalde den LVV op de terreine van domein Pietersheim het ein succes nao het aander. Umdat de voetbalpleine op het gelaeg Sportoase zónder gebruiker bleve, woort het tied um ien te griep. Ouch de voetbalaccommodatie Pietersheim kroog mie weg van een ruïne. Tied vur den touverhoed ien stelling te bringe. Den LVV vertrok en dao kaom een groete laegte of wildernis op de verlate terreine.

Ienins ging weliswaar e klein greun lempke ien de bovekop branne. E voedselbos creëre waor het resultaat. Iers deende nog een klein 300.000 € oet den touverhoed teversjijn te kómme. Daag, waeke, tot maonde woort gegrave en gebuldozerd, tot Zuhale ierste klein buimpkes kaom plaante. Vur Laoneke laoge sjoen jaore ien 't versjeet. Allein bleek, jus weij toes, het ónkroed baeter te gedije as de buimpkes. Het ónkroed leek ieder bos te waere dan de buimpkes. Opmèrkinge woorte aafge-weempeld. Binne 20 jaor zouwe ós kinder pas ech kinne genete van allerlei vróchte oet het voedselbos. Vur den ierste kier leek een langtermijnvisie ien de maok. De opmèrkinge mótte

Christel kiek zoe wíed as ze kin, allein mer wíet. Het voedselbos begint al aardege op te bringe! Binne 20 jaor zien er ouch neut en kestaonjele.



toch get losgemaok höbbe. Nao het sijnnt höbbe de Greune beslis um het ien 't veurjaor van 2024 wietplaante te laote zètte door de greundeens. Daodoor zal het ónkroed minder kaans kriege vur te greuje. As ver wir ene sjoene heite zomer kriege,

kin edere Laonekenaer venaaf augustus zelf zene wiet goon knippe, gratis en veur niks. Altied sjoen mètgenómme ien e verkeziingsjaor. Gèr mótt uch wel beperreke tot enen have kilo per hoeshawe en vur eige gebruik.

Klimaatklever van het jaor



Aste wils goon klimaatkleve, dan mótt dat op 'n miljeu-vreenteleke meneer. Zeker geine sintétisse kol gebruke!

verzekerings DELWAIDE
RPR Antwerpen
Afdeling Tongeren
0423.312.750
Koning Albertlaan 87 - 3620 Lanaken + 32 89 71 49 69
info@delwaide.be • www.delwaide.be

BERNER

warson.eu
badkamers keukens
verwarming ventilatie
groene energie
Rijksweg 440 - Maasmechelen
Tel. 089 76 09 71
info@warson.eu - www.warson.eu

ZAKENKANTOOR MARTENS & RINO DE NOTARPIETRO
VERZEKERINGEN • BELEGGINGEN
Kerkstraat 5 bus 2 • 3620 Gellik-Lanaken • Tel. 089 713914

Thijssen-Vanspauwen
GROOTHANDEL IN BIEREN EN WATERS
Langstraat 1, 3741 Waltwilder, tel.: 089 41 37 78



Preens Wouter I

De nuije preens 2024 van het Laoneker Hekseriek ès Wouter den Ierste, ien het börgerlaeve Wouter Smeets. Her ès gebore ien Ukeve, mót noonk zègge tege Ivo, “t Benkske aan de Maaskaant” en ès, geliek ien de mieste romantische fillems, z’n leefde gevolleg nao Laoneke. Sómmege zègge dat het gewoen vur de karneval waar...

Dat laote ver bès ien het midde.

Wouter I, ès getroujd mèt Kelly Leekens en trotse papa van Demy en Liam. Van beroep is her chapper en ien de zomer runt ’r saome mèt z’n vrouw, bove op de Bèssemer, rendje Laoneke, de fameus zaak het Iesparadies. Zene zoon Liam waar al ins jeugpreens ien 2019 en douw haet Wouter de microop um preens te waere te pakke gekrege. Met vööl plezeer zaog ’r weij zoonleef dat mèt bravoure deeg en de gedachte kaom bij ’m op: “Dat wil iech ouch!” Her haet 5 jaor gedäöld mótte höbbe. Eindelek keump zene groeten druim oet. Wouter, ene baer van ene vent, ès mèt geine paol um te houwe op e fieske. Den après-ski kin ’m het mies bekore.

Boete karneval geit her ouch raegelmaoteg nao de voetbal van zene zoon en aaf en touw nao Gink. Vur de res geit her ouch e pötje kaorte bij Maurice en Kenny ien ’t Pannehof. Z’n ierste weekend as preens kós nit sjoener beginne. Iers op zaoterdeg z’n grandioos aanstèling, zóndeg z’n preensereceptie thoos en dan zaog ’r het nog zitte um nao café de Hoop te trèkke, e tunneke te gaeve en den aovend aaf te slete mèt enen après-ski, saome mèt ze’ collega’s-preense oet Groet-Laoneke. Nit kepot te kriege!

Her weens uch allemaol geweldige karnevalsdaag!

Nuij lid bij de Raod: Glenn Sondeijker



Jus weij ien de poletiek zèt de Raod alles ien op verjónging. Al versjillende jaore krijg de Raod versterking van jóng krachte. Ouch dit seizoen ès dao wir een nuij gezich te zien, namelek Glenn Sondeijker. Glenn weurt al jaore getip as kaanshöbber vur de preenseleke steek. Het zouw zeker ene geweldige Preens zien. Dat

Orde van



LIVEKE

Dit jaor geit de Orde van Verdeenste, oetgeriek door LIVEKE (Limburgse Vereniging KarnavalsEvenemeente) nao Johan Loomans.

Het minste waste maog zègge euver Johan ès z’n besmètting door de karnevalsmicroop. Dat heerlek bieske haet ’r mèt glaans doorgegaave aan z’n zäöns.

Ien 2012 waar zenen ajdste zoon Sören jeugpreens en vijf jaor laoter waar het tied vur zene jóngste zoon Jens. Twie geweldige jeugpreense van ós hekseriek. Ien datzelfde jaor 2017 stèlde Johan zich (trök) kandidaat as raadslid. Óndertösse leit ’r al een paar jaor de stoetekemissie en stèlt ’r, saome met een paar aander



Johan Loomans.

raodslide, ene sjoene stoet saome. Ouch dit jaor kint ger wir genete van ós sjoen bèssemkarevaan door de straote van Laoneke op zóndeg 11 fibrewari. **Proficiat Johan!**

Ien memoriam



Willy Stöcker

‘Mien leefluij’,... zoe begós Willy altied zene speech as veurzitter van de Raod van Laon tot Aoke, een vereeniging boe ’r z’n hart en ziel aan verlore haw. Ien 1972 haw her saome met een aantal aander Laonekenaere de Raod van Laon tot Aoke opgerich. De herstart van de karneval ien Laoneke. Stoete woorte georganiseerd, proonkzittinge ienein gestoke en nao bals gegange. As veurzitter en laoter ouch as

ónderveurzitter haet ’r dat allemaol ien gooj bane geleid. Ver maoge wel zègge dat her ‘nen echte pionier van de Laoneker karneval waar. Ouch as lid van de Drei Wijze haet her menege preens, en laoter ouch jeugpreense en -prinsesse gekoze. Karneval waar een hiel groot deil van ze laeve. 51 jaor, zoelang as de Raod besteit, waors ’r lid, altied steveg óndersteund door z’n vrouw Lène. Allein het lèste jaor, naodat z’n leef Lène gestorve waar, leet z’n gezoondheid e bitteke nao. Op 11 augustus 2023 kreeg de Raod het nuijts dat Willy waar gestorve. Willy, ver zulle uch misse. Oet naam van de Raod van Laon tot Aoke, en bij oetbreijing van alle Laoneker karnevaliste, wille vèr uch hiel erreg bedaanke, lèste? kier iere en uch enen ieuwege karnevalsgroet bringe met drei kier **alaaf, alaaf, alaaf**.

Alwir ‘ne nuije wijze



Het liek d’rop dat de raad örreges enen ezel haet stoon wat wijze sjit. Ouch dit jaor ès dao wir ene nuije wijze op het raadstoniel versjene. Erwin Cauberg, baeter gekind as ajd-preens Erwin den Ierste, haet zich kandidaat gestèld ien opvolging van Guido Meertens. Mèt mierderheid van de stumme kin ’r zich dus vanaaf dit seizoen eine van de “Drei Wijze” numme. Met zenen achtergrond as ex-preens en raadslid wèt ’r hiel good welk profiel ene preens, jeugpreens of jeugprinses mót höbbe. Ver zien ’r zeker vaan dat ’r dat hiel good geit doen. **Erwin, proficiat!**



Ien de prijs op Carnavalissima met Theo Claessens.

Laoneke wir dik ien de prijs

10 jaor nao de vurrege euverwinning op Carnavalissima, geit karnevalverend Laoneke en de Raod van Laon tot Aoke wir ins met de groete beker nao hoes. Ien 2013 wón Jus te Nève mèt ‘De boemeltrein’ de groete Limburgse leedjeswedstrijd iengerich door Liveke. Spieteg genóg waere de lèsten tied Laoneker leedjes nog mer wieneg door de meziekboxe gepaers. Het thema ès aandere nao 10 jaor nog altied actueel, mèt get aanpassinge “Kom stap nouw op de trambösbös!” Dit jaor

zörregde Theo Claessens mèt “Vastelaovend op straat” vur de euverwinning, as bèste leedje tout court en umwille van het karnevaesk karakter. E good leedje dus! Theo ès al get jaore cafébaas, saome mèt z’n dochter, van café “Tot Seffens” op de Keuning Albertlaan ien Laoneke. De lèste jaore deit ’r het hiel good mèt ze repertoire, mèt ene resem optreijes binne en boete Laoneke. Her steit klaor um binnekort effectief Frans Theunisz ien al z’n glorie op te vollege. Theo, proficiat! Ien het Mestreechter karnevalsconcours veel ’r jus boete de finale. Theo, de hoofs nit te treure, ien Laoneke zien ver fier op dech!



De Raod van Ellef mèt op de veurgroond Preens Wouter I en de jeugpreense Dries I en Lowie I.

En weij vindt ger óze nuije preens?



‘t ès zu eine hè!



Advocatenkantoor
Geurts & Haenraets

Koning Albertlaan 73
3620 Lanaken - België
089 71 51 65

wenst u een prettige carnaval

Café Tot Seffens



Koning Albertlaan 212
3620 Lanaken
Carnavalsdagen
zeker open
• hou FB in de gaten
ivm de openingstijden
tijdens carnaval



Tekenbureau
Lenaerts Jacques
Bureau voor nijverheidsstudien

Bessemmerstraat 399
3620 Lanaken (België)
Tel.: 089 73 15 49
GSM +32(0)476 54 53 66
jacqueslenaerts@telenet.be



**VERHUUR PARTYTENTEN
SPRINGKASTELEN**

GSM +32 473 61 69 50

Gein werrek

Ene kaerel ès op zeuk nao werrek en stap een boerderij binne, bewoend door een boerin; Her vreug of ze höllep kin gebruke van ene knech. De boerin twiefelt en zaet 'm dat 'r iers een proef mót aaflegge. Ze geit ien een kroukaar ligge en läöt zich euver het hiel gelaeg roondrij. Her ès stikkepot en vreug of 'r kin beginne. De boerin vertelt 'm dat de proef nog enen twiede kier mót oetgevoerd alveures beslis weurt. De kaerel aanvaardt de opdrach en stik nao de kloete keump her wir trök aan, mèt de boerin nog altied ien de kroukaar. Het antwoord



van de boerin ès nein, nit aangenómme! De kaerel vreug vurwat dan nit, her ès devaan euvertuig de opdrach perfec oetgevoerd te hóbbe; Zaet de boerin: "Boevur nit? De hōbs jus beweze daste gein werrek zuus ligge!"

Mon Tollenaers

Op deenseg 16 janewari ès Mon Tollenaers, lid van de Raod van Laon tot Aoke, euverlede. Mon waor al 33 jaor lid van de Raod en waor ien 1989 de 16de Preens van het Hekseriek Laoneke. Mon waor 'ne hiel minzame mins. Ien ze laeve waor h'r zeker nit gespaard gebleve. Nao e versjrikkelek wèrrekóngevaal verloor h'r e bein. Toch wis h'r altied actief bij de Raod te blieve en ze good humeur te behawe. Mon, v'r goon dich misse! Ver weense Jeannette Lambrigts, zen vrouw alle sterrekte touw.



Ze brudje ès gebakke

Nao 58 jaor... stop Chrétien Lambregs mèt zene broedronde. Her ès 75 jaor gewore en vindt nouw dat ze brudje gebakke ès. "Mèt m'n klaante deilde iech al deij jaore vreugde en verdreet en iech gaon ze misse." Dat ès zeker! Meh op 75 jaor begint het 'm allemaal get tevööl te waere. Natuurlek blijf de bekkerij Lambregs op de staotiestraot bestoon. Zoon Raf bak de brudjes en



LAONEKE
De lètste rónde van Chrétien

de vlaje tot uch het waoter ien de moond keump. Effe tösse-door, Chrétien maakte ien de jaore '70 en begeen '80 deil oet van de karnevalsgroep "De Laote" oet Laoneke. Nit te filleme wat deij allemaal te bakke hóbbe gezat...

WC-menier



Umdat alle 'WC-medamme' zich gediscrimineerd veulde, hóbbe ze vurrege waek Peter Castermans mótte aanstèlle as WC-menier op alle karnevalsactiviteite. Succes Peter!

Nuije scepter vur de Preens

As de scepter van de preense van Laoneke hun laevesverhaal kóste vertèlle, dan kaome hiel get geheime bove waoter. De scepter woort al ins kwiet geraok of gepik (good vur een tón beer), ès al eens van de taofel gevalle, van het buffet gevalle, saome mèt de preens van de taofel en het buffet gevalle. De scepter haet al hiel get bepreuvinge mótte doorstaan en dat waor d'raan te zien. Tied vur renovaosie van het aajd exemplaar en e nuij exemplaar um te gebruke op de echte officieel memeente. Geliek ouch zoe'n 30 jaor geleije kaom de nuije scepter van de haand van **Tuur Coun**. Tuur ès tegeliektied sjriener-wèrreker en keunstenaer, dat bliek nog altied de perfecte combinaotie! Tuur bedaank, ver kinne wir get jaore wijer!



Wuim en Teursel ien het nuij

De reuze Wuim en Teursel oet Laoneke veerde verleije jaor hun platina broelof. Ze zien 75 jaor getroujd en dat hóbbe ze 'm good gefiks. Wuim en Teursel stoon vur twie echte Laonekenaere: Wuim of Willem en Teursel keump van Ursula, ouch de patroenheilige van de hoofkèrrek. Ze stèlle e koppel heiboerkes veur oet Pietersheim. Ien de jaore '50-'90 hawwe ver ouch nog de hofkapel "De Zonen van Wuim en Teursel". De lèste jaore zien de reuze van de straot verdwene en voonte ze hun staonplaats op de afdeling erfgoed. Op 30 september 2023 zien ze trök oet de anonimitiet

gekómme. Platina broelof! Vur dees gelegenheid waore mie dan 1.000 ienwoeners van Laoneke aan de óntbijttaofel van Unizo en de Middestaand versjene, um dit heuglek feit met de jubilarisse zellef te vere. Ien de naomiddeg waor een kleine optoch en dan waor het showtime vur de kèrrek. Wuim en Teursel waore door e grupke vrijwilligers vurzeen van nuij kleijage. Lekker fris en kleurriek, tegeneuver vaal en mèt de reuk van de mótteballe rech van de zolder van Errefgood. Het waor zellefs zoe dat 'r 'ne prieskaamp waor oetgesjreve um de cupmaat van Teursel häöre BH te raoje.



Anneke bekans zónder voute

Anneke Salden blijf mer gooj herinneringe beware aan den doortoch van Sinterklaos. De kindervreund kós het braaf Anneke ien häöre kindertied nit leenks laote ligge. Nouw zien ver e stökske wijer ien den tied. In volle coronatied waor Anneke redactielid van de Bèssemgezèt en deeg good z'n bès um Rèkem ien de sjenwerpers te zètte. Anneke waor woenachteg ien 3621 Rèkem, sjreef ien het Rèkems en dus mós de corrector vùr publicatöie ien de Bès-



semgezèt get euverore maoke. Get laoter kaom ien Rèkem een onvervalste karnevalsgezèt oet, Anneke waor de hoofdre-

dactrice. Ien 2023 deeg Anneke mèt aan het Sinterklaosdictee, vur de veerde kier georganiseerd door de PXL Hoegesjaol ien Hasselt. Anneke ging mèt de gouwe medaolze loupe. Aamper veer foute op e verrèks lesteg dictee, veurgelaaze door Rick De Leeuw. Nog effe vermeldte dat Anneke lierkrach Ingels ès aan het Pyxiscollege ien Laoneke. Anneke, enen dikke proficiat mèt het behaold resultaat, vanwege de redactie van de Bèssemgezèt.

Ene nuije baankotomaat ien het gemeentehoes

Umdat er de lèsten tied zoevööl te doen ès euver al deij baankotomate, inclusief het protes van de oppositie dao-euver, haet het gemeentebestuur, hiel loyaal aan de bevolking, beslis um ene baankotomaat ien het gemeentehoes te plaatse. Dèh baankotomaat kint ger het gaans jaor door zónder kóste gebruke, behalve:

- As het gemeentehoes geslote ès, dus nit op fiesdaag en ien de weekends
- Nit ónder de sjaolvekaanties.
- Zeker nit tösse 9.15 o. en 10.45 o., dan weurt koffie gedroonke.
- Nit tösse 12.00 o. en 14.30 o., dan waere uilkes gevange.
- Zeker nit op sjoen daag tösse 08.30 o. en 10.00 o., dan weurt ins nao boete gekeke.
- Nit op maondeg, want dan weurt den otomaat bijgevöld en ès het personeel ouch nog meug van het weekend
- Nit op deenseg, want dan es 't merret en ès het gemeentehoes meujlek bereikbaar. Vur het personeel ès boete dan ouch get te zien bij e teske koffie.

- Nit op woonsdeg, want dan wèrrek het grootste deil van het gemeentepersoneel nit. Vur deij wat wel wèrreke, ès het stresse door de lieg bezètting.
- Nit op dónderdegveurmiddag, óf ger mót een waek op veurhaand een aafpraak gemaok hóbbe. De nummer ès 0800/80080. Nit ien de naomiddeg, dan ès het gemeentehoes zoewiezoe geslote!
- Nit op vriedeg, want dan pakke de mieste luj op het gemeentehoes verlof, hóbbe ze ene baaldaog of goon al nao den dokter vur é zeekteebriefke of um 'r e verlenk weekend van te maoke.
- Opgepas: op de sjoen en werrem zomernaomiddege mèt temperature bove de 18 graode, oetzónderlijk nit ope. Dan lik het personeel op San Laco.

De gemeente zal er wijer alles aan doen um deveur te zörge dat er zoe wieneg mägogelijk technische pannes zien um uch ene goje service te kinne verliene.

De partij van de Golden Oldies

Ien verkezingstied ès eder partij op zeuk nao de hinne deij gouwe eier kinne legge. Scheissegal welke verkezinge. Het maog dan ouch nit verwónderlek zien dat beslote weurt um zellefs aw keu oet de grach te hole, aldan nit laevend. Bij gebrek aan baeter exemplare? Aste zuus dat enen Tobback trök weurt opgevès um op de lies te stoon... Her haw bij z'n ontslaog hiel dudelek aangegaeve dat ze altied beroop op 'm mochte doen. As ene Willy Claes, gekind van zene piano en heij en dao e sjendaalke, ouch wir ónder de stöp oetgehaold weurt um bij de roej as kandidaat te fungere bij de stadsverkezinge ien Hasselt. As ene Jean-Luc Dehaene virtueel oet ze graof getroije ès um de cd&v te promote. As Mieke Vogels wir mèt get lèkstöpkes oet häör voege-

koej gehaold weurt: dan begint ene normale mins zeker de weenkbrauwe te froonse. De enege vraag deijste dech kins stèlle: boe blieve pa en zoon Eyskens, pa Decroo, jenker Anciaux? Geit dèn tendens zich ouch doorzètte op lokaal gebied? Goon ver heij ouch hiel aw paerd opvèsse? Ene Guido Wille zouw kinne opkómme vur de golfers! Alex zouw kinne stoon vur de hollandse ienwielinge mèt en zónder geld. Roland Baldewijns zouw nog altied mèt twie vinger ien de naas z'n huidege cónfraters platwaalse. Christel kin get gewich ien de sjaal goeje. Marie-Jeanne zouw kinne opkómme vur de koleboere. Guido Nieste zouw wir laeve ien het protocol kinne bringe. Ene mins zouw nog cóncludere dat het vreuger baeter waor...



TOURNÉ ALUMINIUM PRODUCTS

TAP Tourné Aluminium Products
www.tap.be

INDUSTRIEWEG 12
3620 LANAKEN
BELGIUM
089 / 72 29 96

FREZEN GIETEN LASERGRAVEREN WATERSNIJDEN

WWW.TAP.BE ALUMINIUM • ROESTVRIJ STAAL • CORTENSTAAL • ETC...

MEERS
transport • logistics

Europark 114 / 3 814 • B-3620 Lanaken • Tel. +32 89 41 22 48 • Fax +32 89 49 15 58
e-mail: info@meers-transport.be • www.meers-transport.be

de hoveniers
TUINAANLEG

0479 138785 • info@dehoveniers.be • www.dehoveniers.be

EUROBAND PATRICK
089/71 66 07
LANAKEN

Specialist in banden
velgen voor de auto, 4x4,
motorfiets en bestelwagens

garage Lambrigts
Onderhoud
en herstellingen van
alle merken

Koning Albertlaan 62 (ingang via Putstraat), 3620 Lanaken
Tel.: 089 71 66 07 - Fax: 089 73 15 12
www.eurobandpatrick.be • info@eurobandpatrick.be

RÈKEM



Een verrassing van formaat: cafébaas De Sjoester ès preens ien Rêkem

Wat een verrassing! De nuije preens 2024 ien Rêkem, ès Patrick II, de cafébaas van Café "De Sjoester", the place to be ien het oetgangslaave. H'r ès aafgeloupe zomer nog getroujd mèt Evy Duelen. Evy zweijde e paor jaor geleije ouch al de scepter ien Bilze en ès ouch nog ins de hëllef van het zangduo 'De Divvy's'.

Patrick waar al ins preens ien Rêkem, nl. ien 1986 en douw de jóngste preens dèh Rêkem oets ien de vurbije 60 jaor gehad

haet. Óze Keizer vur 't laeve, Gielke, ès vur Patrick geinen ónbekinde. Dèh ès getroujd mèt Veerle, e zuster van Patrick.

Patrick woort op ze preensebal verierd mèt veer charmaante hofdames: Evy, Samme, Amber en Chiara. Mèt deij dames aan z'n zij haet er sjoen en leef vollek rond zich um mèt de karnevalsdaag wir te goon "stöbbe". Geine mins twiefelt t'raan dat het wir ene super karneval ien Rêkem weurt.

Program

Vriedeg 09/02/2024:
Bezoek aan de Rêkemer sjaole

Zaoterdeg 10/02/2024:
Vurmiddeg:
Preenselek bezoek aan de "Wiek Hangvèld"
's Aoves: Ierste deil van de kroegetoeh

Zóndeg 11/02/2024:
10 u H. Mès ien 't dialect kèrk St Pieter Rêkem
11 u 11 Machseuverdrach: zaal Kleinveld Rêkem
's Aoves: vervolleg kroegetoeh

Maondeg 12/02/2024:
60-STE STOET REKEM
14 u Reclamstoet
14 u 11 Karnevalsstoet

Deensdag 13/02/2024:
Preenseverbranning (Café de Sjoester)

Woonsdag 14/02/2024:
Hieringhappe ien alle Rêkemer Café's.

Tot slot weense ver aan Patrick II en z'n dames, de Raod van de Brikkebekkers en al de karnevaliste ene goje, plezerege en veilige karneval. Vergaet zeker nit de stoet op de maondeg.

Alaaf, alaaf, alaaf!!!

Maarten den Ierste

Maarten Savenay, 26 jaor en enen echte Gèllikenauer, ès de nuije Preens Maarten den Ierste van de Gèlliker Galliaren. Her woent vur-luiege nog ien Gèllik op de St-Augustinusstraat bij z'n awwers. Ondertösse bouwte 'r ien Vroenhove aan e nuij nèske um saome mèt ze vrujke Lieze te goon bewoene. 13 jaor geleije waar 'r al jeugpreens mèt Preens Johnny Caubergh as groete preens. Douw haet 'r de smaok te pakke gekrege en druimde her devaan um nog oets preens van de Galliaren te waere. En dit jaor ès het pries. Bomp Frie Massot waar ein van de oprichters van de Galliaren en natuurelek ouch lid van den ierste Raod. Maarten ès lid van de Klungelere oet Laoneke, teves z'n preensegarde. De preens ès ene groete fan van Rowwen Hèze en lät het sletingsbal eder jaor ien America nit sjete. Supergezellig, op get beerraegen nao... Het hierrelaave as preens haet ouch z'n beperkinge... her haet gein ezelke dat geld sjit. Daoveur mót her hiel Belsj doorkruse um as industrieel ellentriker bij EQUANS euveraal de mechine aan het bolle te hawe. Mót het nog gezag



De Gèlliker Galliaren

dat 'r ouch gaere peentjes dreent mèt z'n vrun. Een appel-keerse-jeneverke sleug 'r ouch nit euver. Maarten ès vaerdege um zich mèt de karnevalsdaag ins goed te laote goon. Her verwach uch zeker op de Gèlliker-leechstoet op 24 fibrewari, mèt achteraf e groet bal ien de tent op 't dörrepsplein.

Jill de Ierste

Hallo, iech bin "Jill de Ierste" de fier jeugprinses van Gèllik. Mijnen druim waar oets ien de vootspore te loupe van mene papa, Preens Bart van de Galliaren ien 2010. Iech hoof uch nit te vertèlle dat iech bezaete bin van karneval. Fijn dat m'n awwers Bart Weytjens en mama Karin Vermeulen miech dao-ien steune. Thoes zien ver mèt drei kinder. Iechzelf natuurelek mèt m'n groete zus Laurentine en groet broor Kobe Janssen. M'n groetawwers zien Bea Gerits en Jean Weytjens van

de Zavelstraat. Iech bin ouch het kleinkeend van Philomène Nelissen en Jean Vermeulen oet Bilzen. Van kleinsaf ging iech ien de bolderkaar nao de opening van de karneval en leet iech ouch nit de stoete sjete. Iech bin 12 jaor en gaon op sjaol ien het Linc Park ien Laoneke, ien 't zède lierjaar bij juf Mieke. Iech vin het fijn dan de lierkrachte de karneval e werrem hart touwdraoge. M'n hobby's? Steppe, voetballe en playstation spele. Iech zit ouch bij de tito's bij Chiro Jooske ien Smaermaas. Iech kiek d'rnao oet um uch allemaal, m'n femilie, m'n vrun en alle bekinde te treffe op de leechstoet ien Gèllik. Dat weurt saome mèt de Preens Maarten e geweldeg fles. Iech weens ouch de aander preense en jeugpreense van Laoneke allemaal sukses, vööl plezeer en ene goje karneval! Ver zien ós gaw! **Alaaf, alaaf, alaaf!**

LEECHSTOET GÈLLIK ZAOTERDEG 24 FIBREWARI

CV De Wottelzekskes

VELDWÈZELT

Preens Giel I

Giel den Ierste (Meertens) ès de 4x11 Preens en geit 'r, geflankeerd door twee blómme van prinseskes, e sjik jaor van maoke. Den 22-jaorege Giel ès saome mèt Maité Lenglet en ès de zoon van Marc Meertens en Ellen Machon en twee plusawwers: Claudia Stevens en Erwin Caubergh. Giel waar 11 jaor geleije al jeugpreens, saome mèt ze zuster, jeugprinses Lotte en pa Marc(?). Ze stiefzuster Maite waar op datzelfde augenblik jeugprinses ien Laoneke. Euver de familie rond Giel kinste dus e karnevalsboek sjrieve. Weij zègge ze ouch alwir i.v.m. het karnevalsblood... Giel ès zelf bij CV Knatsjgek en ze goon 'm ien de stoet as Preensegarde begeleije. Ouch ès Giel heftruckchauffeur bij Ebema en steit 'r dus ien vur 't laje en losse van de kamions. Nao het werrek ès het tied vur e peentje te goon pakke, of kinste 'm ouch tegekómme ien het zaalvoetbal bij "Hangover 69", ien de Laoneker zaalvoetballiga. Preens Giel I weens uch allemaal 'ne goje karneval en op de zaoterdeg van het Haafvasteweekend



nudeg her uch oet um 'm masaal ien de stoet te begroete. Alaaf, alaaf, alaaf!

Jeugprinseskes Liese I en Lauren I

De jeugprinsesse van de Wottelzekskes zien gebore en getoge ien Wèzent, jus weij hun awwers Maarten Lathouwers en Kirsten Vuerstaek. De karnevalsmicroop ès tot bij hun gekómme via de Taffelère. Hunnen ultiemen dreum um oets het kruuntje van jeugprinses te maoge draoge ès werkelijkheid gewore. De hobby van Liese ès paerdrije

mèt häöre pony Fleur en ze deit ouch aan wedstrijdjaanse bij Cosmo ien Hasselt. De hobby's van zus Lauren zitte ien dezelfde richting, ouch paerdrije mèt häöre pony Pagena en wedstrijdjaanse bij Cosmo Dance Company In Hasselt. Allebei zitte ze op sjaol ien 't Wezel-tje. Liese ien het zède lierjaar bij juf Rebecca, Lauren ien het veerde lierjaar bij meester Robert en Juf Deebra. Ze goon van de karneval e geweldeg fles maoke en ze kiek het mies oet nao de stoet door de straote van Wèzent as bekroening van e geweldeg jaor.



Karnevalscomité Smèermaos alaaf

Op het memeent dat dees Bèsemgezèt ien den opmaak ès, zien de nuij Smèermaozer hoeg-löstighede nog nit aangestèld. Het karnevalscomité van Smèermaos haet beslis um het preenseverhaol euver een aander boeg te goeje. Vur een kleine en diverse dörrepsgemeinsjap geliek Smèermaos ès het nit altied gemaeklek um 'ne gesjikte kandidaat te strikke dèh vur e gaans jaor laank de preensescepter euver Smèermaos wilt zweije. Het comité geit daoveur venaof dit jaor vur 'ne vastelaovespreens (-preenses) en ene jeugpreens (-prinses), deij 11 daog de scepter zweije op de karnevalsdaag en op de stoete door Groet-Laoneke. Ien feite regere de nuij hoeg-löstighede venaof vriedeg

2 fibrewarie t.e.m. haafvaste, nao 't veurbeld van Mestreech, boe de stadsprens een gooj 4 waeke de mach haet. zoe hope ver mie kandidaatpreense te vinde vur deij beperekte periode, mèt ouch beperekte verplichtinge en financieel bijdraoge. Vur de res verandert 'r niks. De sjaolkarneval, de machseuverdrach, de kinderkarneval, de stoet en het vastelaovesbal weure geliek altied georganiseerd. Het karnevalscomité nudeg uch allemaal oet um op "Vèttèn Deensdeg", óze karnevalshoegdaog, massaal nao Smèermaos te kómme as venaof 14:33 o. vur den 51ste kier de karnevalsstoet door de straote van Smèermaos trèk, mèt aansletend het groet vas-

telaovesbal in de zaol! Smèermaozaenere, verseer uch hoezer, zeker op den deensdeg! **Aan ederein ene geweldeg en supersjoene vastelaovend!**

Program karneval ien Smèermaos

Vriedeg 9 fibrewarie
13:11 • Kinderoptocht en Sjaolkarneval i.s.m. 'Aan de Basis'
19:33 • Machseuverdrach (op het gemeintehoes – op oetnudeging)

Zaoterdeg 10 fib.
14:11 • Kinderkarneval mèt optreijes en kinderanimatie

Deensdeg 13 fib.
14:33 • 51ste Karnevalsstoet Aonsletend
• Groet Vastelaovesbal

↑ Alle activiteite goon door ien Zaol 'Jeugdparc'! ↑

KBC BANK
Molenweideplein 60
3620 LANAKEN

Stretchtenten HAESSEN
Wijngaardstraat 61
3620 Lanaken
+32 477 699 635
Bert.Haesen@telenet.be

Peusens Danny
Sanitair
Verwarming
Koeling
Airco
+32 472 07 47 12
peusens_danny@hotmail.com

DRANKENHANDEL NV DRANKEN MILISSEN BVBA DEXTERS
UW HORECA PARTNER
St.Jorisstraat 7, 3631 Boorsema-Maasmechelen
Tel. 089 76 46 77 / 32 • Fax 089 77 10 44
Gsm 0495 25 57 38 • www.dranken-milissen.be



PASCAL MACHELESEN
HEKWERK INSTALLATIE
Bosstraat 24 • 3620 Lanaken (B)
GSM +32 (0)476 82 82 44
pascal.machelesen@telenet.be



HET BELANG VAN LAONEKE

Pries: 23 FR en vanaaf asgoonsdeg 24 FR • Jus 33 jaor geleije - anno 1991

Preens Marc den ierste

Begeen jannewari 1991 woort, nao jaorlekse gewoente, ien Laoneke de nuije preens bekind gemaok. Ien ene bómvolle zaal kaom dan de nuijen hierse euvver het Hekseriek Laoneke, geholpe door de veurzitter, ónder den dook oet. De nuije Preens '91 stin vur de loedzwoer opdrach um de Preens van 1990, Marcel Keulen, op te volge. Dat waar nit meen. De nuije Preens ès Marc Curvers gewore, 21 jaor en good bekind en gekind bij de jeugd, o.a. as DJ en as voetballer bij den Apollo. Ien het jaor van zie Preensdóm deeg 'r börgerdeens bij de jeugdeens. Börgerdeens waar ien den tied een alternatief vur manneleke exemplare deij geine legerdeens wouwe doen. As tegeprestatie móste ze aanderhaaf jaor vur de gemeinsjap wërreke. Mark waar ouch lid van de sjoenste karnevalsgroep "de Boelvaar",



op z'n Braziliaans. Laoter ès Marc de Laoneker poletiek iengestap, van raodslid tot sjepe en ouch wir oetgestap ien 2018. Dao waar gein plekske ien het Sjepecollege vur 'm vurzeen... Marc zit vol ideeë, sómmege al baeter dan aander. Her waar al tied te vinde vur of op zeuk nao get nuijts. Geweldeg, althans ien de auge van z'n eige, ès het umdreije van het verkier ien Laoneke Centrum. Iech zag toch dat 'r baeter en mindere gooj ideeë waore.



Gewoen afgemaok

Op 18 juli 1991 ès den 63-jaorege Minister van Staot André Cools ien koelen bloede vermaord nabij Luik. André waar e sterrek kopstök van de PS ien Luik: "The Godfather" genump. Her waar 'intouchable', bij z'n Partij en ouch hiel zeker bij zene roejen aanhaank. Het motief vur de maord ès noets achterhaold. Verdachte waore 'r genóg, zoewel binnen de poletiek as ien

den onderwaereld. De ierste spore lepe nao Alain Van der Biest, ouch ene minister, en zene secretaris Richard Taxquet. Oet de moond van Alain kós op het proces de woerheid nit kómme. Her haw al vur het proces zelfmaord gepleeg, al haw h'r ien ne breek nog onsjäöldig gepleit. Piste ein waar een aafraekening binne de Waalse PS.

Aander spore lepe nao een aantal corruptiesjendale, weij de affaires Agusta-Dassault (aangekochte helikopters van het leger) en OMOB, het huidege Ethias.

Oeteindelek woort Taxquet as het brein van de maord veroordeild, saome mèt e deil van de vermoedelijke oetvoerders

Het opstel van SNEPPEKE

Nit betaald

Mèt eine van de Heidebloemchauffeurs oet Laoneke, Cyriel genump, wètste noets wat vur sjikke dinger de revue passere. De raegel ès dat de reizigers, vurdat ze ien de bös goon zitte, de chauffeur mótte passere um e käärtje te pakke. Op Cyriel kinste dan raekene. Op ene kier mèrrek 'r op dat iemes zónder te betale langs de achterdeur de bös iengeslope ès. Cyriel heel de mysterieuze persoon al enen hielen tied ien de gaote via zenen achteroetkiekspiegel. Dèh haw e gek huudje op de kop en ging aan

het vinstenke gaans verdoke zitte. Cyriel dach aan een aijd vrujke. Ederein waar ónder tösse iengestap, haw betaald en Cyriel bleef kalm en reep: "Medammeke, ger mót nog nao vā-ōre kómme um te betale." Gein reactie. Cyriel reup nog ene kier, get geïrriteerder en mèt e minder leef stummeke. Nog gein reactie. Douw woort 'r ech koed en reep get wat nit ech gesjik ès vur ien de gezèt. Cyriel vluig door de bös nao achter en wat bleek: de zwartrijer waar ene collega-böschauffeur, op waeg nao z'n bös en zene rónde ien Hasselt. Dèh maan mót 'm nogal bot geantwoord hóbbe, 'dat 'r nit van plan waar um as chauffeur op waeg nao ze werreke te betale'.

Golffoorlog

Men ierste reactie bij 't laeze van den titel "Golffoorlog" waar: Het ès zoewied! De kóppege wotteleboere oet Wèzent zien ien conflic gekómme mèt het baeter vollek van de golfclub Dousberreg oet Mestreech, aan grenspool 18. Wat zouw 'r aan de haand zien? Zouwe de belkes van de Golfclub tot tösse de wottele op het veld vlegte? Vur de wotteletelers gaanse daag extra werrek um de golfbelkes tösse de japele en wotteleougs oet te hole? De boere lete zich natuurelek ouch nit doen en hawwe hun wottelepatriotaafwaergesjöt strategisch aan 't kanaal opgestèld um de belkes ein nao ein oet de loch te sjete. Bemiddeling van de vrederechter mèt de CEO van het golfsterrein haw nit tot ene waopestilstaand geleid en de boere ginge euvver tot e tegeoffensief door al hun króm wottele richting golfsterreine van Dousberg te sjete. De lokale golffoorlog waar losgebarste! Nao euvèrlek tösse Guido Willen en Jean Marie Nelissen names de golfclub Dousberg mèt de wottelemafia van Veldwèzelt woort e staakhet-vure bereik en kós euvverge-




gange waere tot de oetwisseling van de golfbelkes en de wottele. Zoe kaome ver ien de weentermaonde ien ene kawwen oorlog terech. Allemaol kwatsj natuurelek. Wat waar daan wel aan de haand? Ien 1990 brook de Golffoorlog oet ien het Midde-Oeste. Irak wouw zich Koeweit touweigene. Deze kier ging het nit euvver japele en zoe, meh euvver olie en sjäöld van Irak aan Koeweit. Saddam Houssein dach 't gav te fikse. Dat waar boete de steun van de boondgenote van Koeweit geraekend. Amerika sjoot te hóllep en nao e paar waeke waar het oorlogsarsenaal van Irak good vur ophaoling deij van het Kaamp van Mestreech. Saddam kroog de ein saantie nao de

aander. Gevolg? Opstaand ien Irak inclusief beeldestörrem. H'r mós vur ederein ónderduke. De jach op Saddam waar geopend en Ien 2003 woort Saddam oet ónder de grond gehaold door de Amerikaans jaegers. "We got him!" De waereld dach dat alle zörrege vurbij waore. Saddam bleek mer e detail van het probleem. Zaet uch de naam Osama bin Lade nog get?



Foutje bij óntvoering: pure kolder

Ien de weenter van 1991 woort Christiane Gielen, 55 jaor, kort bij de grens bij Smaemaas óntvoerd, zoe geliek ien de gangsterfilms. Christiane wèrkte as secretaresse op de waereldberoemde paerdestoeterij van Leon Melchior ien Laoneke. Häöre baas waar daoveur ene groeten aannummer ien Hollands Limburg en op ze mins gezag welgestèld. Nao häör werrek haw ze häöre vreund ien Mestreech bezeugt en bij het wegrije woort den oto staonde gehawe: ze woort t'roet gesleurd en nao ene groete Mercedes gesleip. Nao een rit van e dik oor woort ze örreges ien de Ardenne ien ene kalder opgeslote en woort häör dudelek gemaok dat ze óntvoerd waar ien ruil vur dik losgeld. Nouw bleek den info van de óntvoerders minder good te kloppen: Christiane waar nit,



weij de óntvoerders dachte, de dochter van de steenkend riekenier Melchior... Ientegendeil, vur het slachoffer waar nouw nit onmiddellek een dikke sóm losgeld binnen te rijve. Nao 'ne vollen daog woort de vergissing iengezeen en Christiane vrijgelaote. Nou, slech behandeld waar ze zeker nit. De polies ging op jach nao de óntvoerders. Deij bleke bij de bende roond Danny Vanhamel te vinde te zien. Maonde aan veurbereijing bleke

vur niks. Het slachoffer haw nit onmiddellek een trauma euvvergehawe aan het veurvaal. Hèt erregste van de zaak? De polies ging fleenk op zeuk nao de vlaai deij Christiane ien gevangesjap gekrege haw. Tientalle stökke haet ze mótte preuve um de herkóms devaan te vinde. Appelvlaai kin ze vurluipen nit mie zien. Vur de res? Alles oké. Nog effe vur de leefhóbbes vertèlle dat de vlaai van den Aldi ien Bastenaake kaom.

TAXISCHIJS

Uit sympathie

Drutti planten

Maastrichtersteenweg 239
3620 Smeermaas-Lanaken
Tel. 089 73 15 70
GSM 0475 62 19 76
drutti.planten@telenet.be

FORESTA
LUNCH - DINNER - DRINKS

gusteau
brasserie | feestzaal

Koning Albertlaan 47
3620 Lanaken
089/ 37 31 41

www.brasseriegusteau.be

Wij zijn ook uw partner voor feesten en partijen

OPENINGSTIJDEN

Maandag, donderdag,
vrijdag en zaterdag
vanaf 17 uur.
Dinsdag vanaf 10 uur.
Zondag vanaf 11 uur.

Woensdag gesloten.

Keuken geopend
tot 21 uur.





Oetvinding oet Waezent

Waezent haet altied al op historisch vlak ien het middelpunt van de belangstelling gestande. Laoneke waar nog een oerwoud, bebos en nit touwgaan-kelek. Allein op e stökske van den Heikaant kaom de zón door de wolke. Ien Wèzent zien vreuger de buim gekap um de wotteleteelt op te starte. Direc deenke ver dan aan de prehistorie. Haaf Wèzent ès daodoor een historische site mèt wottelefossiele gewore, nog altied te bezichtige jus jèver de brèk nao Treech. Meh nouw haet nuij onderzoek zoe määgelek nog groeter en spectaculairder nuijts aan het leech gebrach. Haaw uch vas: ónderzoek haet dus oetgeweze, dat, ien Wèzent, ien het jaor des Hiere 1322, vjer d'n allerierste kier oets..... kepótjes (of piele-tuutjes wie ze ouch zègge) zien gebruik. Het waar douw natuurlijk nog gein rubbere deenk, de Cari-



deng bestin douw nog nit. As de Waezentenaer ien dèn tied den ónoetstaonbare drang haw um ze pietje los te laote um vrij te vogele, dan gebruuikte her de middele deij 'r douw royaal ter besjikkeing haw: ene verrekederrem. Waezent es daomèt waereldwied dé pionier van safe seks! Preficiat Waezent, ger haolde mèt uch kepótje zellefs ien 1323 het Guinnessbook of Records. Twie jaor laoter, ien 1324, ès het concep ien Laoneke wijer ver-fijnd en geoptimaliseerd door het verroke rond den derrem oet te hole.

DE KERNIS

Een vrouw (ver goon hääre naam nit vernumme) lóp bij Sjoekke Bollen binne en vräög 20 meter kernis. Bollen krets zich ins ien z'n haore, meh wèt 'r gelökkig achter op het ge-laeg nog get ligge. Gedeenstag as her es, hóllep her de vrouw um de stökke kernis op de re-

morque te goeje. As ze trök nao binne loupe um nog te betale vräög Lambert: "Madam, wilt ger ouch piepe vur de kernis?" De vrouw deenk effe nao... en zaet dan: "Vur de kernis nit, meh vur e sjoen nuij automa-tisch graosmeschien wel"

Aanrander vrijgelaote ónder veurwaarde

Drugdealer dreenk pinacolada op Bahamas

Slachtoffer krijg boete

Justitie wèrrek

Nit hielemaol jus of fout

- Vrouluij waere verleeft op wat ze hure. Manne waere verleeft op wat ze zien. Daveur draoge vrouluij make-up en lege de manne.
- Me bèd haet de lèsten tied las van verlaotingsdrang. Sorry baas, daoveur bin iech vendaag get laoter!
- Verkuipers vraoge dech dèks aan de kassa: "Höb ger alles kinne vinde?" Iech wis nit dat ze vur de lol ouch nog venalles verstoكة hawwe.
- Wèh bin iech um te zègge daste sletterig bès. Toch mein iech te maoge zègge daste mie op weurste gezaete höbs dan de ketchup van Heinz.
- Binnekort gaon iech ins bij den Ikea zeuke vur een nuij

- vrindin. Dan kin iech ze mech zellef saomestèlle en bin iech 'r zeker vaan dat alle sjruifkes vaszitte.
- Weij het keump dat iech nog altied nit de woere gevónde höb? Allè, effe serieus blieve! Iech höb al alle meujte van de waereld um m'n sleutels te vinde!
- Iech höb jus ene serieuze veurraad condoms gehaold bij den Albert Hein. De kassière vreug as iech 'r een tas bij mót höbbe. Iech zèk: "Nein juffrouw, zoe lielek ès men vrindin nouw ouch wir nit!"
- Aan al deij pupkes en pseudo-prinsesse deij meine dat ze get bezónders zien... As-sepoester haet hääor sjoon verlore, nit hääor slipke!



Nouw snap iech vurwat Ronny altied mer met ein aug door zen lèns kiek. Met daank aan Ronny vur de foto's ien de Bèsemgezèt.

Bij de masseur

Benny Meyssen haet op den Technissen Deens z'n motivao-tiespier verrèk en mót vur 20 beurte nao kinesis Johan Vaes, zelf 'ne specialis ienzaoke verrèkinge of verrèkelinge bij het gemeentepersoneel. Johan wilt natuurlek zoe gaw määgelek het gemeintewèrrekersbestaand (het woord ès precies langer dan wat ze oetrichte) vervolledige en geit 'r mèt het zweepke tegenaan. Nao de zoeväälsste kier aafzien, lóp Benny gaans be-zwèt De Hoop ien um z'n vochreserveres aan te vólle. "En?", vreug Michael, "wie es het allewijl bij de masseur?" "Zwieg stil", zaet Benny, "nao de masseur goon, dat liek jus op m'n huwelijk. In het begeen kinne ze nit van de lief blieve en ès niks tevää. Meh nao e paor kiere móste alles zelf doen".

BIJ DE DOKTER



Met daank aan Jack, óze hoedrökker.



DE ROEJE JAAK

Dag minse van Laoneke. Um te beginne, vèr höbbe ene nuije pestoer. Jos Vanderlee haet ze lèste wiewaoter royaal rond-gekwispeld en ès op pensioen. Geert Croes hit de nuije crisis-manager, mèt as opdrach de verlore ziele trök nao de kèrre te lokke. As jonge kaerel geit dat 'm dat zeker lökke bij het joonk vollek, wel mèt een kèrrek vol spelcomputers, TikTok-fillempkes en flitse meziek. Ver höbbe hiel get nuij fits- en flitsstraote bijgekegre. De fits-straote mótte de fitser, mèt ze statuut van keuning van het verkier, zónder raegels en ver-plichtinge, sóms tege 50 km per oor, veileg door het verkier loodse. Vur ne otoberstuurder ès Laoneke chaos. Lèk mer ins aan ne mins oet weijste van A nao B kins reije...Dene persoens-GPS sluit op tilt.



De flitsstraote goon Laoneke riek maoke, venaaf jannewari betale ver zellefs gein belasting mie. De luxe en de welvaart lach ós touw. Het ès jus weij as ver op een ónoetpötteleke gaasbel laeve. En dan de groete sjok van Laoneke... de sleting van ós grootste Laoneker industriële bezegheid, nl. Sappi. Dat deit bij de Laonekenaer pijn ien de portemonnee en ien 't hart. Mie as viefteg jaor höbbe ver dao

werrek gevónde. Ien de jaore 80 zellefs tege de doezend werrek-nummers. Nouw ès 't al e stök minder. Dat keump door het internet, Facebook, YouTube... Ver laeze gein beuk mie. En ouch hiel de reklaambeukskes goon online. Pepier deent nog allein um den k.... aaf te vaege en dan maog het zeker nit te glad of sjoorpepier zien. Vreuger, as student waar bij Sappi vakaantiegeld te raope, aste een kroukaar hajs um binne te raoke. Vergane glorie.

Gluurder betrap



Gistere woort in Pietersem 'ne Chinees betrap dèh mie as 'n oor door 'n sleutelgaot haw gegluurd.

De Chineze beglure ós van alle kaante. Iers mèt spi-onageballonne op groete hoegte, daan via TikTok en nouw zellefs door het sleutelgaot van de vää-, zij- en achterdeure van de hoezer. Boe geit het toch mer nao touw?

Iech bin geine racis, meh ...

met draank zeen iech alles schwart-wit

Welkoom, welkoom ... bij de 6 big ... hikjes!

Zaotemanskaal

Zaotemansclub

Connor Rousseau waar ins goed op stap gewaes en haw e bitje te deep ien het glaos gekeke. H'r kós zich nit mie herinnere weij lang het al gelei-je waar dat 'r nog bij de kwaffeur waar gewaes.

Michel Daerden hit Connor Rousseau hartelek welkom ien z'n zaotemansclub. Enigste veur-waarde die h'r stèlt: minstens 20 bokke dreinke veurdat Conner z'n meining maog verkóndige.

immo Nulens

Schumanplein 14, 3620 Lanaken • 089 71 04 40 • immo@nulens.be • info@immonulens.be

TE HUUR

Hebt u eigendom te koop of te huur?

Vertrouwen en persoonlijk

TE KOOP

Zoekt u een onroerend goed?

Klantvriendelijk en met zorg!

IdBS

Riooltechniek BVBA

Voor al uw rioleringswerken zoals ontstoppen, renovaties van rioleringen, camera-inspectie, rookdetectie, ledigen van septiche putten, ...

Tel. +32 (0)494 54 36 77

info@idbs.be • www.idbs.be

Bessemersstraat 2

3620 Lanaken

089 71 73 26

www.traiteurjaco.be

Neerharenweg 14

3620 Lanaken

089 72 14 61

info@traiteurjaco.be

Jouw event, ons talent!

G EVENTS

Glenn Stassen

+32477 88 12 39

info@gsevents.be

Jeugpreense Dries I en Lowie I

Twie jeugpreense: DA'S UNIEK!
Twie jeugpreense deij op dezellefde straot woene:
DA'S UNIEK! Twie jeugpreense: allebei Racing
Gink-supporter: **DA'S UNIEK!** Twie jeugpreense,
allebei keeper bij de U11 van den LVV:
DA'S UNIEK!



DRIES I

Dries I, 10 jaor, woent op de Wiegerstraat, ès den ajdste zoon van Herman Tollenaers en Ann Bollen en groete broor van Ella en Nora. Dries zit op de Jan Rosiersjaol ien het vijfde lierjaar bij juf Lindsey. Dat Dries oets jeugpreens zouw waere, stin ien de sterre gesjreve. Jus 30 jaor geleije

waar papa Herman jeugpreens. As klein menneke deeg Dries niks lever as mèt z'n speelgoedwäögelkes ene karnevalsstoet te vörreme, mèt de steek van zene papa op de kop. Her numde zich douw al preens Dries. Opa Eric en oma Anita zien vaste waerdes bij de Raod en bómpa Willy Stöcker blijf vur altied bekind as de "Godfather" van de Laoneker karneval. Willy zal van heij bove zeker een uigske ien het zeil hawe. Dries ès supercontent dat bómpa Willy debij waar op de iers-te pas-sessie van ze preensepekske. As ierbetoon aan bómpa Willy dräög Dries op zene steek ene pin met de letter "W".

Zoe ginge noonkels Kevin en Robin 'm al veur as jeugpreense van de Raod van Laon tot Aoke. Ouch bómpa Jef waar ien 1980 preens ien Rêkem. En... dit jaor ès noonk Patrick oetgerope as preens Patrick I van de Rêkemer Brikkebekkers. Dat alles kin tälle! Lowie versjrök zich ene bäölt douw 'r "ene slaopzak ging koupe vur op kaamp te goon" en as groete verrassing "e preensepekske ging aanmaete". "Ech woer?", dat waar het enege wat her t'roet kós bringe douw de Wijze Marc en Erwin 'm dao stinne op te wachte. Dries en Lowie, dat ès e jeugpreenseduo oet de

doezend. Laoneke kin heij fier op zien! Saome mèt preens Wouter I goon ze 'r ene spetterende karneval van maoke. Nouw deenke ze veuraal aan de stoet. Raegen of geine raegen, zij zörrege alvas vur ene raegen van kermelle, keukskes, belkes en aander spaelkes.

**Dries I en Lowie I:
Ger zeet uniek!**

**En weij vinste ós
nuij jeugpreense?**

Zoe'n twie goje
höbbe ver nog
noets gehad!



**KINDERSTOET
vriedeg 9 fibrewari um 13.00 oor
mèt heksoplaoting aan het gemeintehoes**



Weurdje van de redactie


Hallo bèste kinder! Ver höbbe ouch wir e paor bladzijde gerreserveerd, speciaal vur uch, ien de Bèsssemgezèt. Ger höb zeker good uch bès gedoon um get sjoen werkskes klaor te maoke vur ien de gezèt opgenómme te weure. Ver weite ouch dat ver op de juffe en meisters van de Jan Rosiersjaol en 't Linc Parc kinne raekene um de kinder aan te zètte um get sjoens oet hunnen hoed te touvere. Via e bezeuk aan de twie sjaole höbbe ver aan de kinder kinne oetlègge weij een gezèt tot staand keump. De Bèsssemgezèt weurt gesjreve ien het Laonekers. Verrassend ès dat mèt e bitje oefene de kinder al gaw het dialec as taal kinne begriep. Kalle ès messjien nog wel een brök te wied gedach. Vööl plezeer mèt het laeze van de gezèt. Aan Juf Miek Geurts (Linc Parc) en juf Marida Thijs (Jan Rosier) zègge ver 'bedaank vur uch rol as contacpersoene'.

JAN ROSIER



Het zèsde lierjaar toent hun keunswèrrekskes en ienzendinge vur de wedstrijd "sjoenste poster".

JAN ROSIER



Weij eder jaor weurt de redactie van de Bèsssemgezèt good óntvange op de sjaole. Op deze foto ès van de klas van juf Brenda het veerde lierjaar te zien. Alle lierlinge wouwe mèt op de foto. Ger zeet ouch twie hiere op de foto, deij precies al get awwer zien of zeker lieke. Het zien redactieleden van de Bèsssemgezèt, nl. Joeri Veugen en Jean Marie Meeuwissen.

JAN ROSIER WIJK



Juf Mireille van de 4-jaorege kleuters, ien de wieksjaol, ès de taant van jeugpreens Lowie den ierste. Natuurlek woort de klas ien den aanloop nao karneval ien het roed, gael en greun verseerd. Dat dege ze mèt knippe, plekke en sjildere.



Preensesteek Dries I

Dries ès de achterkleinzoon van Willy Stöcker, oze iereveurzitter. Willy zit nog altied deep ien ós hart.

Zèt effe ugge breel op om op de preensesteek van Dries de letter W te zien, de W van Willy. E sjoen gebaar want zoe ès Willy nog e stökske aanwezig bij zenne achterkleinzoon en zen jeugpreens-sjap.

LOWIE I

Lowie I, 11 jaor, woent ouch op de Wiengerstraat, ès de zoon van Bert Potargent en Jessica Gerets en groete broor van Vic en Jules. Lowie zit bij Juf Maryse ien het vijfde lierjaar van de Jan Rosiersjaol. En ouch Lowie waar veurbestump um oets jeugpreens te waere. Lowie ès de 15de preens karneval ien het geslacht Potargent-Gerets.



Heij stoon ze dan sjoen op de preenseleke foto. Jeugpreens Lowie den lerste, saome met zen juf Lindsey en al zen klasgenote.



Jan Rosier, Wijk - Juf Marida ès gek van de karneval en haet de kinder laote sjildere ien roed, gael en greun. Proficiat!



De lierlinge van Meister Geert en Juf Sterre van 2 B Jan Rosier hōbbe zich hiel gevarieerd en keunszinnig ge-oet roond het thema karneval. Het ès ein groete collage gewore. Spieteg dat ver nit alle wèrrekskes ien de Bèssemgezèt hōbbe kinne opnumme.



Jan Rosier, klas 2 B, juf Sterre en meister Geert. De waereld ien roed, gael en greun.



Jeugpreens Dries I poseert mèt zen lierkracht, juf Maryse en al zen klasgenootjes op de foto.

Jan Rosier oet Laoneke

Refrein:

Roed, gael, greun Jan Rosier oet Laoneke
kiek dao staon ze dan
Roed, gael, greun Jan Rosier oet Laoneke
laot ze mer wir goon
Roed, gael, greun Jan Rosier oet Laoneke
kiek wèh lōp van veur
Roed, gael, greun Jan Rosier oet Laoneke
zien de preense oet 't hekseriek

Strofe

as er e fies ès ien 't hekseriek
dan stoon ze wir paraat
ze bloze op trompette en daanse t'rop los
ze stappe saome ien de maot
van vāōr zeen iech ze loupe netjes op een rij
iech huur de trōmmels sloon
ze kōmme langs de straote me sjoen huiske vurbij
Ich loup er vrolek achteraan

Strofe:

ze stappe langs de kèrrek en dan wir nao 't bal
de preens deit plots get raars
h' zaet kōm nouw mer heij en kiek mer wat iech goej
de snōp nouw euver volg mich mer
ze goon dan op de straote ze zien hielemaol blij
ich zeen de preens van vāōr niemie
dan keump de preens wir aan ver goon opnuij op pad
luuster mer iech huur ze wir



Het vijfde LJ, A en B ging mèt de jeugpreense gaere op de foto, ouch vur het hoeske van de CD.



Linc Parc. De kinder van 2 D hōbbe zichzellef ins grappeg op de foto gezat, door hun klein neuske te vervange door 'nen dikopgebloze ballōn. Te gek vur los te loupe.



De lierlinge van de klas en meister Arjan wouwe absoluut op de foto en ien de BG kōmme nao het bezoek van de redactie aan de klas. Ver zien benuid as ze get euvergehawe hōbbe.



De kleuters van de 2de kleuterklas LP. Juf Arlette en Sabine oefende ne gaansen daog um klaor te zien um de Blauw Sjuut vreuntelek mèt vlaggegewej te óntvange.



De kleuters van de 3de kleuterklas van LP, Juf Veerle en Ilse, verseerde eder op zich een letter ien roed, gael en greun, de kleuren van de CANRAVAL. ALAAF!



Bij het klasbezoek van de redactie mōs de juf Miek mèt de kinder op de foto um 'ne BI te weure... 'ne bekinde Laonekenaer.



Jill I op de foto met juf Mieke en de Directrice Sabine Jans.

VB Event & Support
Light, sound & DJ
+32 499 62 38 35
Vincentbeinsberger@hotmail.com

VISTASUN
zonwering van A tot Z
De lange beemden 14/3 - Heusden Zolder | hello@vistasun.be | 011 49 67 00

ARGENTA
Hans Rousset BV
+32 89 71 85 80
Hans.Rousset@argenta.be

OSET
CAR SERVICE



Linc Parc, klas 3J. Verseeerde karnevalsmaskers mèt gekleurde snippers, natuurlek ien roed, gael en greun!



Linc Parc, klas 6H. Ze zien fier ouch een jeugprinses ien hun midde te hōbbe oet Gèllik van de Gèlliker Galliare.



Aste kinder de kaans giefs um e sjoen masker te maoke, dan keumps noets verkierd aan. De creativiteit en vindingsriekheid kint dan gein grenze



KEUNSPOSTERS LINC PARC

JAN ROSIER

LINC PARC

Jan Rosier, juf Martine, veerde lierjaor.

Jan Rosier, juf Naomi, veerde lierjaor.

De kleuters van ierste kk Linc Parc, spele gaere mèt confetti en maochte 'ne banner/



4 g Linc Parc. De lierlinge hōbbe mèt Lego en Knex karneval ien beeld gebrach en zellefs de Blauw Sjuut nao gebowd.



Meister Ben van 4 G goof de kinder de vrije haand. Ze mochte zellef oetkeze um get te maoke euver het thema karneval. De kinder mochte zellef jurere. Nejla haet gewōnne.

Dans mèt ós Paul Severs: Zeg 'ns meisje

Kar-ne-val la la la la la la la (4x)

Leefste luijkes, hōb gèr 't now al gehuurd?
Den Ingelse Hof ès now echt gedaon.
Linc Parc ès de nuije naam.

Leefste meitskes, trèk den sjoenste pèkske aan.
Leefste meitskes, blief toch nit stoon.
Leefste meitskes, dans en blief goon.

Ien't zesde lierjaor hōbbe vaer eene prinses
Jill de ierste ès hāōre naam.
Zweij den han de loch ien, twie stappe nao vāōre
dreij dan mèr ien't roond.

Kom zeet nit verlaege, niemes hilt diech tege,
vaer vraoge now met eene lach.
Laote vaer probere ós te amusere, 't ès karneval.w

Kar-ne-val la la la la la la la, kar-ne-val la la la la la la la.

Leefste luijkes, danse ès wel ech gezond.
Leefste luijkes, sjōddel met dei koont.
Leefste luijkes, dans met ós mèt.

Leefste jonges, trèk den sjoenste pèkske aon.
Leefste jonges, blief toch nit stoon.
Leefste jonges, dans en blief goon.



De gooj zengers van het veerde lierjaor Linc Parc kreges van de Raod van Laon tot Aoke de kaans um hun leedje bij Bertie Moors op te numme. Bertie bedaank! De hōbs er get sjoens van gemaok. Trouwens ederein bedaank!

WOORDZEUKER

- aaijtwieverbal

alaaf

bal

beer

bessemkaravaan

bok

buute

cafe

ccl

dries

ellef

fieske

frit

gael

gek

gezet

greun

hekseriek

hermenie

hieriengbiete

jaor

jeugpreenskes
- karneval

kermelle

keunsposter

laoneke

laontotaoke

lowie

machseuverdrach

nar

oto

preensegarde

proonkwaegel

proonkzitting

raad

reklamstoot

roed

scepter

steek

vastelaovend

wijze

wouter

V	A	S	T	E	L	O	A	V	E	N	D	T	K	K
J	O	C	A	U	A	O	T	O	L	R	S	E	L	L
E	N	B	H	N	O	D	C	C	L	C	K	I	A	E
U	T	E	E	S	N	W	I	Z	E	A	A	B	A	G
G	O	S	R	P	E	O	D	P	F	G	R	G	M	O
P	T	S	M	O	K	U	T	R	K	E	N	N	S	A
R	A	E	E	S	E	E	V	O	V	Z	E	I	T	W
E	O	M	N	T	R	L	N	E	D	E	V	R	O	K
E	K	K	I	E	L	O	I	D	R	T	A	E	E	N
N	E	A	E	R	S	W	A	O	I	D	L	I	T	O
S	F	R	I	T	T	I	O	B	E	E	R	H	A	O
K	N	A	R	J	E	E	E	U	S	N	J	A	O	R
E	T	V	A	O	E	B	U	U	T	E	F	A	C	P
S	G	A	E	L	K	K	E	I	R	E	S	K	E	H
A	L	A	A	F	I	E	S	K	E	G	R	E	U	N
O	G	N	I	T	T	I	Z	K	N	O	O	R	P	T

Karneval
Beer drenke
Op stap goon
Plezeer ien de tēnt
Alaaf!
Jeremy en Nick

Karneval
Wat geweldeg
Roed gael greun
Wat ne sjoene tied
Alaaf!
Senn en Matteo

Karneval
Confetti kenón
Roed gael greun
V'r schmeenke ós sjoen
Alaaf!
Jaimy en Evelyn

Karneval
Vlinder schmeenke
Roed gael greun
Snóp struije nao de kinder
Alaaf
Tess en Maria



lenzendingen
van Jan Rosier
vur de wedstrijd
Keunsposter.

FRISSEN
GROEN TECHNIEK 70 JAAR
VALKENBURG A/D GEUL

**Uitvaartzorg
Roger Barthels**
089 71 40 87 Partner van DELA
Stationsstraat 117 • 3620 Lanaken
uc.rogerbarthels@delab.be
www.uitvaartzorg-rogerbarthels.be

Begravenissen - crematies
nabestaandenzorg

b de
bandencentrale

**CultuurCafé
Lanaken**

Aan de Engelse Hof 10 • 3620 Lanaken
Tel. 089 739 853 • GSM 0477 414 578

Email cultuurcafelanaken@telenet.be
www.facebook.com/CultuurCaféLanaken



Spooners

- Advocaten Christoffels, Koning Albertlaan 53
- Apotheek Romaekers bv , Dorpstr. 136, Gellik
- Architecten Christoffels - Sannen, Bessemerstraat 151
 - AUDS Fashion, Stationsstraat 4
- B3 Architectuur, Koning Albertlaan 252
- Bakker Patisserie Hansen, Molenweideplein
 - Bakkerij Lambregs, Stationsstraat 175
 - Belinda - Koffiehuisje Sese Beau, Stationsstraat 29 - Bus 6 - Pass. Begas
- Bessemerapotheek - Rutgeers F - Grauwels K, Bessemerstraat 274
- Bijouterie Madeaccessoires Esterella, Stationsstraat 58+46
 - Bloemenhandel Lelieveld, Brusselseweg 810 Grens Smeermaas, Maastricht
- Bloemisterij Meijers n.v., Staatsbaan 22, Neerharen
- Boek- Dagbladhandel Napa Noukens, Pannestr. 163
 - Boetiek Salut, Stationsstraat 45
 - Boetiek Young Club, Winkelstraat 13
 - Brasserie-Café Montaigne
- Brood & Banket Jeurissen, Hoenderbroekstraat 119
 - BookAdvice - Jos Vandewal, Stationsstraat 121
 - C.V. Noets op Tied, Wijngaardstraat 40
- Cardinaels Service Center, Populierenlaan 51, Rekem
 - Café Mesjeu, Kasteelstraat 48 Neerharen
 - Carrefour Market - Nima n.v., Malenweidestr. 40
 - Chamira, Stationsstr. 046 Bus 30 - Gal. Da Vinci
- Christoffels Lingerie, Stationsstr. 46, Bus 4 - Gal. Da Vinci
 - Coiffure Hairdecor, Hellingstraat 16
 - De Zoete Oogst, Stationsstraat 33
 - Daktal, Wijngaardstraat 136
- Denis Geurts Verhuur, opslag, Bedrijfsweg 20 bus 1
 - Dhr. en Mevr. Verheyen - Heynen, Ladderstraat 39
- Dierenarts Vicky Herremans - N4342, Drie Eikenstraat 30
 - Dominique Terwingen - Uit sympathie, Pastoor Houbenplein 14 - Neerharen
 - Dr. Conings - De Smedt, Steegstraat 4
 - Dr. Geurts, Arkstraat 42
 - Dr. Moermans Gerd bvba, Steegstraat 4
 - Dr. Stouten Freddy bvba, Dorpstraat 41, Gellik
 - Eddy's coiffure, Heuvelplein 2
 - Eetcafé Huis Meers, Stationsstraat 8 Bus 1
 - Eethuis Bidos, Koning Albertlaan 43
 - Eurogarden Moors Eric, Bedrijfsweg 24
 - Fotostudio De Havelaar, Stationsstraat 105
 - 't Friithuuske, Bessemerstraat 18
 - Frituur Marlita, Henri Dunantstraat 98
 - Frituur Sint-Servaes, Postweg 14
 - Garage Anfra b.v.b.a., Europark 68
 - Groothandel Koffie Jovado bvba, Industrieweg 22
 - Haarmode Mildred, Azaleastraat 24, Neerharen
 - Hair Affair - Kapsalon, Bessemerstraat 309
 - Hairstyling Cocky, Maastrichterweg 25
 - Horrix, Industrieweg 16
 - Hoste staffing en slaapcomfort, 0486 823377
 - Huphup, stationsstraat 109
 - Ilzerwaren Bollen - Van Den Broek, Bessemerstr. 1
 - Immo Confideo, Vrijhof 7, Tongeren
 - Intersport, Nijverheidslaan 156
 - Jos en Sandra, Europaplein 9
 - Kapsalon Hair Fashion, Eikelenweg 98
 - Kapsalon Jacky, Winkelstraat 7
 - Kapsalon - nagelstudio U- niek
 - Kapsalon Sandra's Hairstyling, Pannestraat 214
 - Kinesist Goffin Gert, Gasthuisstraat 27
 - Kinesist Souverijns, Houterstraat 49, Gellik
 - Kinesist Vaes Johan, Malenweideplein 1
 - Kapsalon Hair Fashion, Eikelenweg 98
 - Kapsalon Jacky, Winkelstraat 7
 - Kapsalon - nagelstudio U- niek
 - Kapsalon Sandra's Hairstyling, Pannestraat 214
 - Kinesist Goffin Gert, Gasthuisstraat 27
 - Kinesist Souverijns, Houterstraat 49, Gellik
 - Kinesist Vaes Johan, Malenweideplein 1
 - Kinesitherapeut - Van Gelder Danielle, Druivenstraat 13
 - Koffieshop Le Passage, Europaplein 38
 - Lathouwers RM, Rosmeerweg 44
 - Marybelle, Stationsstraat 65 bus 1
 - Merode Interieur, Koning Albertlaan 244
 - Metaalverwerking Euro Metal Coat n.v., Europark 70
 - Natuursteen Mesotten n.v., Europark 5
 - Nelly's Springkasteel Verhuur & Meer, H. Dunantstr. 58
 - Optiek Caenen, Stationsstraat 29 - Bus 2 Pass. Begas
 - Optiek Van Tilborg "OPTICA", Stationsstraat 87
 - Pannehof Café, Steegstraat 16
 - Papierhandel Begas, Stationsstraat 36
 - Panos, Stationsstraat 24 A
 - Prof. Dr. M. Vanherle - Tandheelkunde, Europaplein 11
 - PU Bekledingen Marsil n.v., Industrieweg 7
 - Reisagentschap White Sun, Stationsstraat 44
 - Rubberfabriek Hercorub n.v., Industrieweg 72
 - Slagenij Coenegrachts, Stationsstraat 10
 - Standaard Boekhandel, Stationsstraat 18
 - Textielreiniging Perfect, Nijverheidslaan 128
 - 't Smulheukske, Bessemerstraat 8
 - Tandarts Geelen, Eikelenweg 78
 - Tandarts Vaes Hilde, Stationsstraat 155 Bus 1
 - Textiel Stico, Stationsstraat 58 - Gal. Rubens
 - Uurwerken - Juwelen Caenen, Kerkplein 3
 - Vervoersondern. Withofs n.v., Kiezelweg 44, Briedgen
 - Verzekeringen Driessen & Thijs, Stationsstraat 159 Bus 1
 - Volksapotheek S. Janssen, Kerkplein 9
 - www.exclusieve.be, Trossenhof 8

Möpke

Patricia van bekkerij Jeurisse op de Boelvaar haet een nuij pòtsvrouw. E tamelik joonk deenk en dao geit ze nog häör paere mèt zien. Den iersten daog waor het al pries. Dat keend waor zoe nerveus dat het mèt de beurstelesteel een vaas van de kas haw aangestoete. Patricia reageerde: “Wat deiste nouw? Deij vaas ès van 1870!” En dan mótt dat meitske hiel opgeluch gezag höbbe: “Gelökkeg! Iech waor al bang dat ’t een hiel nuij waor!”

Chauffeur

Astrid Puts woent get aafgelaege ien Wèzent en vreug aan häöre mins: “Sjat, kins diech mech effekes nao de weenkel ien Laoneke bringe?” Davy: “Dat geit nouw nit, iech bin aan ’t kaorte! Zal iech dech ene groeten oto mèt chauffeur raegele?” “Geweldeg!” zaet Astrid. “Lèt op! “zaet Davy, “de bös vertrek al um haaftwie”.

Möpke

Het ès wel geine LEGO
Wat ès de euvereinkóms tösse een vrouweboors (zèk mer tèt) en ene speelgoed-trein? Ze zien allebei bedoeld vur kinder, meh het ès de pa dèh demèt spaelt.”

Voetbal

Ger wèt wel, het bekind spaelke boe iers ene baal weggestaamp weurt um ’m dan wir achternao te loupe vur ’m te höbbe. Vreuger droge de spelers dikke laere sjoon met ene staolen tup en staole stöpkes ónder de zool. Vendaag den daog ès de voetbalsjoon gemaok van e dun vel-leke laer met plestieke stöpkes. Toch leek dat spelleke douw nit zoe gevaorlek as nouw. As douw eine gestaamp woort, dan woort ins euver de plek gewreve boe ze ’m geraok hawwe en de speler deeg dan gewoon wijer asof niks gebäörd waor. As nouw eine geraok weurt, kaek ’r geliek e verreke en rolt ’r nog een tien meter euver het veld um dan vur doet te blieve ligge. Ouch al weurt ’r mer geraok door e loshangend dräödje van eine z’n bloes.

POLETIEKERS



Doen!

Hallo, g’r staot al nege jaor op ózen datingsite iengesjreve, zónder reactie. Messijen zouw het vur sómmege baeter zien zónder foto?

Al vreug begrepe?

“Papa, vurwat toete al deij oto’s?”
“Umdat ’r iemes getroujd ès, menneke!”
“Papa, toetere ès toch um iemes te waarsjouwwe, ès het neet?”
“Jao jòng , dat höbste good begrepe!”

Te good vur deze wereld

Beste minse, oto-rije en dreeng-geit absoluut nit saome. Wilt ger mèt de karnevalsdaag veileg rije? Dan kin iech uch men deenste aanbeje. Iech kóm nao uch tow, dreeng ien uch plaats. Zoe kint ger zelf veileg rije!

Het liek t’rop dat ze krepere van de pijn. Ofwel kinne ze nouw niks mie verdraoge, ofwel höbbe deij “manne” allemaol hun diploma “drama” bij studio Herman Teirlinck ien Antwerpe gehaold. Eder match liek tegewoedeg wel gespaeld tösse FC Speimei en FC Kotsmei. Nit normaal wejvääol de spelers ónder het spelleke allemaol op de wei fluime. Mèt een kroukaar keumpste nit touw. Iech bin nit verwónderd vurwat ze ónder den haaf-taem de sproeiers opzètte. Mèt al dèh spei liek het terrein op een sjaotsbaan. De baal ès zoe vètteg dat bij ’nen iengoej de baal iers aan de bloes mótt aafgevaeg, umdat ’r anders oet hun han sjaamp. As het zoe wijer geit, mótte deij van de VTM of de VRT roetwissers op hunne camera zètte.

Mijmeringe

As de molle beginne te stoete ès menne ploes nao de kloete. Iech höb liere nein zègge: Wilste e peentje? Och, gaef ’r mer twie!
Dow iech bij oslevenhier stoont aan te sjuive vroeg iech mech bij het wachte ne döbbele gin. Dat mótt h’r wel verkierd begrepe höbbe en goof mech een döbbele kin!
Iech bin ne echte diereleefhöbber. Iech höb gaere verrekeshaaasje en masterbeer vääol Men vrou zaet dat iech lever mótt zien tege de kinder. Iech zèk: “Welke, den duffe of de lieleke?”
Iech deenk altied good nao vur iech get stóms zèk!
Iech druim van ne witte Keersmès. As het nit anders kin, maog het ouch ne roeje zien. Iech bin niet vies um men verantwoordelekheid te numme. As ’r get stóms gebäört bin iech het gewoonlek gewaes!
Een vrou vreug aan mech: “As iech diech puun weurste dan ne preens?” Iech zèk, das móste bij me broor zien. Bij miech ès het nit zoe eenvoudeg. Bij miech móste e piepke doen.

VOGELVRIJ



Ien juli veureg jaor kreeg minister Ben Weyts het lumineus idee um de diere-mè-rete te verbeje, kwestie um de bieste baeter te besjerme. Ien Laoneke koste ze dao nit met lache. Bestuur en lede van de veugelkesboond oet Rèkem, de Waotervogelboond oet Laoneke, saome mèt alle iele-gale vogelvangers oet Wèzent en Gèllik, verklaarden Ben Weyts vogelvrij.

Datingsite



Iech bin jus lid gewore van ’n datingsite. Een vrouw (kiek nao de foto) wouw al direk met miech aafspraeke ien café De Hoop. Het probleem ès dat ze zaet dat ze 21 jaor aajd ès, meh iech deenk dat ze luig. Wat deenke ós laezers tevaan?



Fusieperikele

Ien 2019 waor Annemarie Penn-te Strake, börregemeister van Mestreech, ieregaste ien Laoneke bij de veurstèlling van de Bèssemgezèt um de fusie Laoneke-Mestreech waereldkundeg te maoke. Een nuij fusiestad La Treech, Erwin presenteerde zellefs het nuij volleksleed. De twee gemeintes sloon de han ien-ein en ouch tösse Marino en Annemarie van Mestreech leek ’t kokebak. Ien juni ’23 waor het gedoon mèt de leefde, Annemarie ging vraemp en ès mèt de noorderzón vertrokke. Van deij fusieplanne geit niks mie kómme. Toch ès het een zekerheid dat verbinne de volgende 6 jaor ien een fusie stappe. De vraag van hiel vääol miljoene... wèh weurt de ónbevange maagd? Maasmechele? Waarsjijnlek! De Polies en de braandwaer zien al saome... Vur de portemonnee gein gooj zaak. De verstaandhawing? Mecheleare stoon bekind as stachelare! Opgepas dus! Mèt Bilze? Bilze haet al gekoze vur Hoeselt en daobij... herinner uch het hiel gedoons van trek

trèk (2x?) jèver de brèk, Egebilze geet vjèr. Duow höbbe ver de Bilzenaere al liere kinne. Bedaank!
Óndertösse ès al ene nuije vrijer opgedoke. Riems ès nit ien de fusie van Hoeselt-Bilze gestap oet angs um het derde raod aan de waogel te waere. Ze wille gaere saomegoon mèt Laoneke. Marino zuut dat wel zitte, zene bèsste polletieke kameraod Jan Peumans oet Riems ès op pensioen, wèh zouw ’m get kinne doen vur de sjerrep? En, ins de fusie roond, e nuij gemeintehoes centraal gelaeg... ien Wèzent. Dat van Laoneke ès broen van de ros. Deij van Wèzent goon hun humme niemie touwkriege. Applaus geit nit kleenke. Zouw enen opstaand oetbraeke door deij van bove de brök? Ouch de stad Rèkem zal zich gepasseerd veule! Enen oorlog tösse de noordeleke en de zuideleke staote? Dao zal get euver gepalaverd mótte weure. Mèt Zutendaal? Es gein optie, vääols te klein en toch nit mèt kèmpenaere zeker.





Elly haet zich ien Spanje good ingebörgerd. Ver dachte iers dat ze dao bij de gemeente wèrrekte, meh ze ès Boedis gewore.

Weij zouw het toch mer zien mèt?

Dao zien luij deij messjien wel oet het zich verdwene zien, eventueel e deep koet achterlaote en toch nog kort bij het laeve betrokke blieve. Elly van de Remember en Erik hure tot dèh groep. Nouw en daan siepelt euver deij minse get nuijts binne. Good en minder good. Ien de zomer verzope ze bekans ien enen tropische moesonraegen, woorte ze bekans laevend geruusterd en e paor maond geleije ging Elly te voet nao Santiago de Compostella. Iers dach iech: Elly ès nao het lokaal containerpark gewaes, Compostella genump ien het Spaans. Al gaw woort het mech dudelek dat 't um ene zwoere en lange wandeltoch ging nao het bedevaartsoord Santiago de Compostella, ien het noordweste (Galicïë) van Spanje. Nit bij de deur, ouch nit aste al ien Spanje (Ontinyent) woens.

Toch nog zoe'n 1000 kilometer bergske op en af. Elly, Erik en de "New Remember" ien Laoneke bringe enen houp herinneringe trök tot laeve. Iech kaom dao aaf en touw, zeker vur e peentje beer, en ouch vur het totaalbeeld op de café en het zich op de staotiestraot en de oetbaatster. Iech höb mech laote vertèlle dat Elly daag aan e stök zouw gewandeld höbbe. Van önderwaeg fijn kieke nao het laandsjap zal wel nit vööl gekómme zien. Vööl energie mótte opbringe en hiel get pijntjes door mótte maoke, dat zal wel den daogmenu van deij bedevaartswandeling gewaes zien. Elly waar ederen daog live te volgen op facebook. En get centjes verzamele vur e good doel: opvang van hundjes. Het bekind koet ien Laoneke trökkoupe zal we nit de bedoeling zien.

Ien memoriam: Nol Roberts, de Laoneker Tijl UILESPIEGEL

Verleije jaor, op 16 juni, höbbe ver afsjeid mótte numme van óze Nol. Arnold (Nol) Roberts ès gebore ien Mestreech, waar het broor van Henk, de Laoneker merretmeister. Nol ès nève ze broor op de natuurbegraafplaats ien Rekem begrave. Iech bekijk en vergeliek 'm wel ins mèt Tijl Uilespiegel. Mèt e fotoke of e stökske oet het laeve van ene gewoene Laonekenaeer heel 'r ós de spiegel veur en leet 'r ederein de kaans um ins ien z'n eige ziel te kieke. Soms waar dat leuk of grappig, ouch dèks kritisch en raok. Ien Laoneke kinne ver Nol vuraal as fotograaf. Boe get te doen waar, dao waar Nol um foto's te maoke. Ien Smèermaas kinne ze Nol ouch as aanspraekpeunt



op de boord van den diek aan de Maas. Van dao-oet maochte her ene foto en e klein reflectiestökske op Facebook van minse deij 'r tegekaom. Nol kós dech ouch met passie en kinnes ore vertèlle euver Smèermaas, ze verleije en de connecties mèt Mestreech. Laoneke ès wir enen echte volleksmins erremmer.

Grepke

Kinnismaoking

Door 't greujend aantal allochtone ienwoeners oet de buurt van Wèzent, haet de gemeente ien Briegde een gaans nuij sjaol mótte ope doen. Umdat juf Chantal e sterrek aanpassingsvermouge haet, weurt ze dao tegelijk directrice en sjaoljuffrouw. Op d'n ierste sjaoldaog begós ze mèt de name van de kinder veur te laeze.
Moustafa El Zeri?: iekke!
Achmed El Viséri?: yep
Kadir Sel Ohlm?: joch
Mohammed El Ahrha?: dat bin iech
Mi Cha El Mey Er?: ???
Mi Cha El Mey Er?: hiel stil ein de klas
Vur de lèste kier zaet de juf: "Mi Cha El Mey Er????"
E klein bleiksjieterke zaet: "juf, iech deenk dat ger miech bedoelt. Meh mene naam ès Michaël Meyer".

Zeet g'r van Laoneke?

Bèste laezers van de Bèssemgezèt, gesjreve ien het dialect. Ver höbbe den iendrök dat het altied mer minder good zit mèt de kinnes van het Laonekers. Zeet gaer ouch nuijsjierig weij good of weij slech het bij uch gestèld ès? Doug de proof op de sòm! Ver beje uch 10 echte Laoneker wäörd aan en vijf zinne of spraekwoorden. Tes eve uch kinnes!

1. Wiemelle: besse van deij roeije en witte um zoe te aete mè get sòkker of um zjelei van te maoke
2. Trotinet: zoe e soort loupfits. Eine voet steit op e plenkse, den aandere deent um dich veuroet te duije
3. Sjiellook: (teks gesensureerd)
4. Kónkelfoeze: stillekes kalle um get ienein te staeke binne e klein groepke
5. Habsjaar: hink saome met de" graacultuur", prebere um dich ruim de deil van get touw te eigene
6. Verinnwere: kepotmaoke
7. Gifsjieter: iemes deh hiel gaw koet ès
8. Zwègelduuske: duuske mèt zwaagelstèkskes of lucifers
9. Sjiptere : nit tot een beslissing kómme en mer blieve tafefe zonder oplossing
10. Awmemme: blieve zievère
11. E stök ien d'n kloete höbbe: tevööl gedroonke höbbe
12. Dieg bès 'n gooij blöts: diech bès te good vur deze waereld
13. Iemes ien z'n koont kroepe: Iemes prebere vur zich te winne door euverdreve leef of gul te zien
14. Kiek oet d'n pupse: kiek oet den auge
15. Z'n sjöp aafvège: te vreug aan een opdrach stoppe

Klokke

'ne Maan ès gestorreve, geit nao den hiemel, keump dao aan de poort en mèrrek dat den hiele moer nève de iengangspoort vol klokke hink. Dao wilt 'r toch wel e weurdje oetlèk euver en vreug: "Wat höbbe deij klokke toch mer te beteikene?" Zaet Sinte Pieter: "Dat zien de leugklokke. Edere mins op aarde haet zoe'n klok en op het meement dat her luig, versjuive deij wijzers en dan weite ver heij as dèh mins fetsoenlek ge-laef haet." De maan wijs nao een klok en vreug van wèh deij ès. Zaet Sinte Pieter: "Deij klok ès van moeder Teresa. De wijzers zien nog noets versjove. Moe-der Teresa haet ien häör laeve nog noets geloge!" "En deij klok dan?", op een andere wiedzend. "Deij ès van Abraham Lincoln, de wijzers höbbe nog mer 2 kier bewoge. Abraham haet dus

Verkiere ien Laoneke

Ederes kier móste good naodeenke, geinen tied um nao de luij te weenke. Weij gaon iech nouw wir mótte voore, heijvaan krijg iech dus deij grijs hoare. Rotondes, fitsstraote en haaieton, fitsers deij rije zónder leech en han. Flitspööl, parkeerwachters en agente, um zech meester te maoke van ós cente. Te hoeg drempels en vööl verkiersborde, bekans weij op de hónderd meter horde. Haajt vuraal alles good ien de gaote, mèt trajekcòntrol ien bekan alle straote. Effekes nit opgelèt of rijste ins te rap, krijgste alwir é preces aan d'n brook gelap. Och de cènt kin de gemeente good gebruke, Vur de show of het voedselbos z'n struke. Het laeve ès e soort Russische roulette, De kins baeter eine dreeneke aan 't buffèt.

ien ze laeve mer twee kier geloge!" "Boe ès dan de klok van Trump?" vreug de maan aan St. Pieter: "Deij steit bei miech op de buro, iech gebruke deij klok as ventilatöör!"

Kartel stopgezat



N-VA en cd&v ginge kartel vörme ien Laoneke. De nuije lies zouw getrokke weure door Vera Jans (cd&v), die börgemeister wouw weure. Boris Mechels (N-VA) wouw op de tweede plaats van de lies stoon, zoedat h'r Vera raegelmaoteg e duijke ien de rök zouw kinne gaewe. Um de kartelvörming te bezegele kregte ze van liesdijer Bèr Paulisse (cd&v) 'n does donuts en get aw Bèssemkeukskes (5 jaor aajd). Vera waar met zoe'n prutskadoke dudelek nit content en besloot stante pede h'r politieke carrière stop te zètte.

Nuij ien Laoneke: Wassebeeldemuseum

De mieste minse, die ien primeur al mochte goon kieke, waore nit ech content euver de kwaliteit van de wassebeelde ien het nuij Wassebeeldemuseum dat volgende waek z'n deure ope deit ien Galerie Da Vinci.

Ze waore nit genóg geliekend, sómmege waore nit te herkinne en van sómmege beelde woort zellefs gezag: "het trèk hielemaol op niks". Oordeil zellef ... 't ès precies of dao luij oet Laoneke model vur gestande höbbe.



Jeff Hoeyberghs

Ós score: 50/100
(liek e bitje op Marino Keulen)



Kim Jong Oen

Ós score: 40/100
(liek get op Peter Castermans)



Prinses Beatrix

Ós score: 20/100
(liek op Nicole Sohl)



Sean Connery

Ós score: 10/100
(liek vööl op Ruud Geurts)



Mister Bean

Ós score: 0/100
(trèk op niks)

Grondwerken
DAVID MOERMANS
TUINAANLEG - ONDERHOUD -
HEKWERKEN - KLINKERWERKEN
0474 40 80 74 david_moermans@telenet.be
Europark 45 • 3620 Lanaken

JEURISSEN n.v.
ZEILMAKERIJ
Europark zone 3/807, 3620 Lanaken
Tel. +32 (0)89 71 42 89
info@jeurissendekeilen.be
www.jeurissendekeilen.be



Wines & Bites

by Tom Coun, The Flying Sommelier

Tel. +32 (0) 498 51 45 31
info@winesandbites.be • www.winesandbites.be
Molenweideplein 98 bus 2 • 3620 Lanaken

electro
Stylman
lanaken
Exellent
Stationsstraat 95 • Tel. 089 71 46 45 • www.electrostylman.be

Ver weense ug 'ne goje karneval!



De Laonekenaar



De Laonekenaar van het jaar oetkeze ès eder jaar 'ne zwoere. Hiel vööl luij vinde messjien zichzellef wel de gesjikte persoon umwille van de sjikke positie deij her iennumt binne de Laoneker saomelaeving.

Vur ós ès 'r wieneg poeha of trómgeróffel nudeg um vur den titel ien aanmèrking te kómme. Ver vinde het zellefs nit erreg dat den oetverkozene nit door het grootendeil van de Laonekenaere gekind ès. Dit jaar zien

ver 100 % gegange vur iemes mèt hiel vööl sociaal bewogenheid. Óze laureaat haet ien ze laeve nit altied de weend ien de rök gehad. Her haet zich wel ien stórreme staonde gehawe. Ouch orkaankrach kreeg 'm nit klein. Nao z'n beroepsloupbaan haet 'r ze laeve op de mins ien noed gefocus. Wat ès erreger dan vur den eige hoeshawe groeten-deils afhaankelek te zien van wat aandere dech touwstaek as kleijage, aete en seempel dinge ien het hoeshawe.

Mäögelek gekoppeld aan administratieve en spirituele noed. Dèh groep ès ien het zoegezagde rieke Laoneke groet, zeker te groet en greujt nog ederen daog. Waekeleks doen gezinne beroop op de voedselbaank. Zeker binne een organisaotie as de Sint-Vincentiusvereniging ès materiële en minseleke hóllep nudeg. Ouch um deij hóllep te coördinere en richting de persoon dèh het nudeg haet te sture, dao hóbste ene sterreke maan vur nudeg. En dat ès óze persoon ien de focus. Leon Welkenhuyzen, gebore en opgegroujd op de Spoorwegstraot ien Laoneke, ès nouw de reddingsboei richting de medemins ien den erremooj. Leon, proficiat!

Iech höb d'n dikste



Stoefe euver wèh d'n dikste beerboek haet ... meh höb g'r uch ouch al ins aafgevraag hoeväöl geld dat gekos haet?

Ingels vur beginners



Do you drag always a voel underbrook?

Never, when er emmer is with waoter, i wash my look good.

De Laoneker Sjang

De Laoneker Sjang 2024 ès iemes mèt mie pijle op zene baog. Natuurlek verwachte ver artistiek, creatief of muzikaal talent. En dat ès 'r. V'r maoge ouch zègge dat 'r z'n hart op de juste plaats haet. Zenen ienzat vur de medemins ien de fase boe 'r de bèste daag van ze laeve achter de rök haet, raok ós. Ózen oetverkozene haet een zangcarrière achter de rök, saome met z'n vrouw Agnès, mèt leedjes binne het vrolijke genre en carnaval. Deenk mer aan: "Sjrief het diech nouw mer op dene pökkel?! Hei hei hei kóm oet deij wei! Bananeleed! Ós Merie op de ski" enz. Thei en Compenei waar euveraal te vinde op de Limburgse podia, zoewel ien Belsj as ien Hollands Limburg. Ien z'n "echte" jóng jaore waar 'r ein van de steunpilaere van vrije radio Maasvallei ien Rèkem. As



DJ deeg Thei ze bès um op hiel get fieskes en bij het beluustere van de radio laeve ien de brouwerij te bringe. Thei waar van beroep slachter, nit allein bekind as weurstendrijer. Zen klaante, deij mèt kinnes van zaoke en smaak wiste h'm wel te vinde. Nao de sleting van zene weenkel op de Staatiestraot leet 'm de muzikale microop zeker nit los. Nouw blijf Thei euveraal te vinde as

"The Singing Butcher" mèt een optreije op örgel en zaank. Umwille van z'n muzikaal activiteite vreuger en ouch nouw hóbbe ver Thei ien de faar gekrege um 'm de Laoneker Sjang te gaeve. Ouch umwille van z'n sociaal iengestèldheid, gerich nao minse op laeftied, of mèt een beperking. Z'n optreijes ien bejaardehoezer of elders vinde ver geweldeg! Thei en Agnès, proficiat en bedaank!

Het koet van Elly

Iech deenk nit dat het nudeg ès um den titel te verdudeleke. Alhoewel, vur minse mèt ene lichgestoorde geis... ver hóbbe het wel degelek euver een locaotie en nit euver e lichaamsdeil. Ger zult uch zeker wel de sjikke en kósteleken druim van ós gemeintebestuur en aanverwante Remembere, saomegevat ien e leedje "Laoneke weurt een groete stad, met vööl koeter op uch pad. Och, het zit 'm al fout bij de ligging... op den hook van de Spoorweg- en de Staosiestraot. Ver hóbbe vur te beginne al gein staosie. Ver hóbbe zelfs geinen trein, want dao kinne ver niks mèt doen. En dus ouch gei spoor of rôt vandoon. Ouch nao den tram kinne ver fluite. Wel een trambös (um de sjen hoeg te hawe? Het geit zoegt zien wat liek op een bös...) of een snelbös. Ouch dèh naam zit al nit jus. Het begrip "snelbös" ès een contradictio in terminis en zouw ouch noets maoge gebruuk waere. Dao lik dan jaore e koet, vol betón en iezergebinte te wachte op de bouw van een appartemeente- en weenkelcomplex. De slave ien het Aajd Egypte hawwen ien hunnen tied, mèt kaar en paerd, al e paor piramides geboud. De farao van Laoneke, Marino den Ierste, ès good opgefok en haet zich ins gaans koed gemaok. Mèt e



blaw-en roedaangeloupe gezich haet 'r de lokaal bouwmafiosi op het metje gerope. Vur het eind van z'n ambtsperiode wilt 'r een oplossing! Desnoeds geit 'r persoanlek het koet opvölle, mèt het puin van de Sappi. Opvölgrond ès ien Laoneke immers niemie te vinde. Alles ès opgrave um 'r Nelisse- of Wienerbergerbrikke van te bakke.

Weurt vervolleg!



Het ès al drej oor ien de nach...bès diech now nog altied aan 't koke?



mèt de polletieker, ... alles opgelos !



Joe Biden ès 1 ... Jean-Luc Dehaene ès 2 ... Nog eine zeuke, en dan kinne v'r kaartje.

Iech gaef niks trök! Iech gaef niks trök!



Twie grajers ien ein beeld

Hallo de manne! Iech bin trök!



Iers dach men dat Jezus Christus oet z'n graof waar opgestanne. Nit dus ... 't waar Jean-Luc Dehaene dèh men had opgewek met artifiële intelligentie. De cd&v haw h'm broednudeg vur hun verkezingsskampanje.

CHRISTOFFELS

LH Vijver- & Filtertechniek Lucien Hoeven
www/lh-vijvertechnieken.be
info@lh-vijvertechnieken.be
0472 281 642 089 75 49 89

Cocktails on tour PCR
cocktailsontour.be
PETER.CROUGHSOME.COM 0499 54 04 15
• MOBILE COCKTAILBAR
• BARTENDER SERVICES
• COCKTAIL CONSULTANCY & ADVICE
• LARGE & SMALL PARTIES
• COCKTAIL WORKSHOPS

Zet de bloemetjes buiten deze carnaval!
Alaaf!
Bomen vellen
Snoeiwerkzaamheden
Tuinonderhoud
Caubergh Groenvoorziening
WWW.BOMENLIMBURG.BE

Factcheck van de bèssem

Weij eder gooj gezèt tegenwoordeg, haet ouch de Bèssemgezèt een factcheck-redactie. Nao 't sjiint zouw Hubert van de Mesjeu ien Neerhare thoes de groete baas zien. Vèr hòbbe dat effe gechèck bei Gilberte. As ze 'ne foto wilt pakke ien de raegen, dan reup ze ónmiddel-lek op Hubèrt, dèh dan onmid-dellek en gewilleg ene paraplu pak, zoedat zien sjat druug steit en blijf. Allein dach Gilberte aan



ene sjoene, elegante beblómde damesparaplu en kaom Hubert mèt zoe'ne groete terrasparaplu aangestove. Per óngelök? Of zouw het duvelke een fleeke spoonsering belaoef zien door Duvel?

Op hiel vööl plaatse ien Belsj weurt zwoer gegok euver de gemeentefusies. Welke köppel-kes bezwijkte aan de parings-daans? Laot het vur ederein duudelek zien: Briegde ès en zal op zen onafhaankelekeheid stoon! De Groethertog van Briegde Lucien en de plaatselike Hertogin Yvonne laot 'r gein graos euver greuije: "Mèt alle Chineze, nit mèt den deze!" Zèllef zónder baank, café of baankautomaat meh mèt een rommelmèrret haet Briegde altied kinne staandhawe. Met de weend ien de rög of tege de stroum ien en dat zal en mótt altied zoe blieve.



Sjaokmat!



Speciaal vir de karneval ien Laoneke, binnegewaejd oet Kortriek: ene roondrijende pisbak. Nit vur de groete commissies !!!!

Grepke

Peter Verheye, sjepe van den Technissen Deens, zuut ene werrekmaan vööls te laot op het werrek kómme. De sjepe rea-geert: "Boe keumps diech nog oet? Get gegeneerd weurt ge-reageerd: "Iech stón ien de fille tösse Kèsselt en Wèzent". Peter vreug: "Waor deij file dan zoe laank"? "Dat weit iech nit" zaet de maan "Iech stin veuraan".

Grepke

De rechter ien de rechbaank reup Bèr van de Flótsj nao vöör. "Nouw zèk mech ins, ger hób vollegende maond gouwe broelof. Ger zeet bekan 80 jaor. Boeveur pik gèr dan op den aw-werdóm nog ene laptop"? Zaet Bèr, "Da's hiel seempel me-nier de juge, douw iech joonk waor, besting zoeget nog nit!"

Höb gaer het ouch gehad mèt de weenter: kaaijd, snie, reige en weend. Dao ès ne mins nit vur gemaok en v'r laote het nit aan ós hart kómme. Nog effe de karneval mètpikke en dan zien ver weg! Een exotisch pareties, de Spaanse zón? Toedeloedeloë ... vaer zien op croese!



Wèh 'ne pöt graaf vur enen aandere

Hoegbejaorde Jef wilt aerappe-le plaante, meh her kin dat ne-mie zoe good en zenen enegste zoon zit ien 't gevang. Daoveur sijk 'r ene mail nao zene zoon: "Jóng, iech kin de mosem ne-mie umgrave, kin daodoor gein

aerappele plaante en diech bès 'r nit um mech te hellepe." Een oor tenao krijg Jef ene mail trök van zene zoon: "Pa, vraog zeker niemes um ugge mosem um te grave, want iech hób dao "ding-ger" verstoكة."

Gein oor laoter steit het hiel ge-laeg vol mèt polies en manne van de Civiel Besjerreming mèt kamions, graafmechine en deij beginne het hiel gelaef aaf te grave, op zeuk nao deij "ding-ger" boe-euver spraoke ien de mail. Ze vinde niks en vertrèkke zón-der resultaot. 's Aoves keump ene mail binne bij Jef: "Zoe pa, den hoof zal óndertösse wel good umgrave zien. GER KINT NOUW GOON PLAANTE; Sorry, meh mie kós iech van heij-oet nit vur uch doen.

Möpke

Good nuijts
De belastingsdeens geit te-mèt stoppe! Vendaag kroog iech ne brief en d'r stoont op: "Lèste waarsjouwing!"

Baankautomaat

Tegewoordeg ès 't toch ech nit meen, um dech van d'n eige cent te vurzeen. Bij de baanke hoofste zeker nit te goon, dao hòbbe ze allein dikke klaante vandoon. Gewoen minse kinne ze misse as kaw pap, Ze wèrreke h'm boete en leefs nog rap! Ouch al hòbste gaanse zek mèt duite, nao e bitteke service kinste fluite. Wilste gewoen get geld vur den kinder goon hole, Dan ès 'n afspraak waeke teveu aanbevole. Deenkste, dan gaon iech gewoen nao den automaat, Ouch dao wach dech een ontgoocheling van formaat. Ien de kentoere van de baank ès niemes te vinde, Ofwel móste ien de rij goon stoon geliek e stèl hinne. Dus aansjuive, jus weij ien 'ne lange boemeltrein, ederein kiek dech op den vinger, gaaroet nit fijn! De mieste dörpeling zulle 't tezónder mótte doen, vur miech e teike van wieneg klaantefetsoen. Weijste er dan ech geraoks ès hun sjietegaal, 't ès gewoen sjendaleg dat weit iech waal, Ze wane zich nog heileger as de Paus, Iech diij ien het vervolg terök me geld ien een kous.



Wat ès 'r mis?



Foto 1 • óze apetieker Hubèr Paulisse mèt 'n moondmasker op.



Foto 2 • Gerben Thijs-sen ging koerse ien de Rónde van China.



Foto 3 • 'ne Chinees trèk spleetouge nao het aete van riestepap.

Oplossing: Foto nummer twee: dèh haet 'ne fìtsbhellem op.

't Laoneker laesplenkske - van A tot Z

NAO DE TEIKENLÈS



LA BUTTE AUX BOIS



Paalsteenlaan 90



De Stum van L

Zèk watste te zegge höbs! Nit roond de pot dreije! Zèk het nouw! Zèk het!

Nuijts

Straoteplan

Hoeg kontras

Wat zeukste?

Iech bin m'n vrouw kwiet. Ès er nog hoop?

Zeuke



Wèkker



Online get aanvraoge



Get melde



Aafspraak maoke



Laamp aan



Laamp oet

Gein blómme op de rotonde

Zouwt ger astebleef de blómme kinne wegdoen op de rotonde? Miene maan, 'ne bekinde poletieker ien Laoneke, ès specialis ien roond de pot dreije, en as dao op deij rotonde zoeväöl blómme stoon, dan blijf 'r met zenen oto ouch dao den hielen tied roonddreije. Hopelijk weurt m'n veurstel aanvaard. Alvas dank. *Mia M.*

Buffètfits of buffèttram

Ien de plaats van mèt de Spartacus-tram of met een trambös nao Mestreech te wille goon, stèl iech veur dat te doen met 'ne buffètfits of 'ne buffèttram. Da's vööl gezelliger en financieel *break even*, ien de plaats van 'nen houp te koste. Mestreech zal zeker akkoord zien as 'r Brandsbeer getap weurt. *Sjaakie L. (Smèermaos)*

Betónrot

Ien verbaand met de restauratie van het gemeentehoes tegen betónrot kin men de gevel van het gemeentehoes vol plekke met stickers, van deij sjoene vur kinder mèt Mickey Mous enz. ... of men kin de karnevalsversering het hiel jaor door laote hange. Dat kos geine frang. En ... de luij van Laoneke kinne het gaans jaor door karmeval viere! *Ivo S. (Maasmechele)*

Zèt standbeelde op de rotondes

Iech stel veur um in eder deilgemeinte e specifiek standbeeld, eigen aan wat de deilgemeinte beteikent op te richte. Ien Rèkem kin dat beveurbeeld e standbeeld zien van Dikke Bertha (meh dat geit geld koste), ien Veldwèzelt kin dat e pak baeterkoup ... dao kinne ze ge-woen 'nen dikke wortel op de rotonde zette. *Lambèr M. (Wèzent)*

Speeltuin op het gemeentehoes

Iech wèrrek zellef bij de gemeente en zeen dat m'n collega's dèks hiel lang mótte wachte op een volgende afspraak. Iech stel veur um op het daok e speeltuintje ien te richte zoedat v'r ós, ónder de lange wachtied, e bitje zinneg kinne bezig hawe. *Lowie D. (Laoneke)*

Twie börgemeisters

Iech stèl veur um ien de plaats van eine börgemeister, twie börgemeisters te beneume: eine fiesbörgemeister vur recepties, gouwe broelofte en good nuijts en eine börgemeister vur serieus beleid en ernstege zaoke. ('t ès mer e gedach, nit te numme of te laote). *Benny H. (Rèkem)*

Haaw de posotokes van het gelaeg aaf

De huurs de minse mer aanhawend klage dat ze ederen daog de kiezel vur de deur mótte opraeke, umdat de posotokes de breve of gezèt bekans met den oto tot aan de vöördeur rije. Iech stel veur um op den hook van eder straat 'n batterij brevebösse neer te zette boe ederein zelf z'ne pos kin aafhole. *Eddy M. oet de Hellingstraat.*



Pas ingedeende veurstèlle

- 1. Dringed 'nen aandere börgemeister**
Volleges miech zien ver dringend touw aan 'ne nuije börgemeister. Nit dat d'n awwe verslete ès, meh 'ne nuije beurstel kaart baeter. *Marie-Jeanne K. (Neerhare)*
- 2. Rón peunte vervange door veerkaante**
Um de 'veurrang van rechts' euveraal te laote gelde, stèl iech veur um alle rón peunte veerkaant te maoke. Dan zuuste dudelek wèh van rechts keump. *Leo J. (Laoneker Hei)*
- 3. 12 Novemberstraat**
Ver wille een 12 novemberstraat ien Wèzent: dao haet den oorlog 'nen daog langer gedoord: de Duitsers waore ien Wèzent nog volop wottele aan het pikke.



Alle iengedeende veurstèlle weure zoewiezoe vertikaal geklasseerd

Joesephine  0  0  2

laes mie



GARAGE VANDERVEKEN
Rijksweg 946
089 85 36 08
info@garagevanderveken.be
www.garagevanderveken.be
BE 0842.283.167
VERKOOP - ONDERHOUD
HERSTELLINGEN
TAKEDIENST 24/24 - AIRCO-SERVICE
SPECIALISATIE


CAFÉ

Steenweg 160 3621 Rekem
BIJ DE SJOESTER

Assistu
WEBSITES & E-COMMERCE
[DIGITALE] MARKETING
WEBAPPLICATIONS & MOBILE APPS
BUSINESS CONSULTANCY
IT ADVIES
www.assistu.be

Christoffels Neven Claessens
ADVOCATEN
Stationsstraat 150 - 3620 Lanaken
info@advocatenlanaken.be
LEGGE PUNTO
T +32 (0)89 71.17.27 - F +32 (0)89 71.17.28
www.advocatenlanaken.be

www.akp-keulen.be
More than a floor

16

Tour de Bèssem

De wielermanate oet Laoneke zit-te al e paor jaor op hunnen hóng-ger. De BinckBank Tour haet Laoneke ien alle stilte verlaote. De sjepe en de börgemeister mótte al versjeiene jaore hun gloriememeent op tv misse. Gelökkeg deit Eric Stevens, zell-lef aajd-coureur, het good as wedstrijd-directeur. Good wer-rek zeker, meh de redactie van de Bèssemgezèt wil Laoneke wir ien de faar zètte mèt de veerdaagse Bèssemtour door Laoneke. Gein sinecure um aan cent te kómme, zonder mecen- Melchior, het pepirke van Sappi en ouch zónder Horta dat op druug zaot zouw zitte. Toch ke-ump 'r ien 2024 ene korte Bès-semtour binne de fusie.

Ierste rit: ver beginne mèt een tiedrit op kasseie, geliek Paries-Roubaix. Vertrèk vur de kèrrek van Laoneke en vur de gelegen-heid weurt het voogsel tösse de kasseie weggekrets, daan geit het rechstreeks nao de binne-stad van Rèkem, vol kasseie en koeter, ech ene ku(t)tebieter! Dan berregop richting de Bès-semer. De groete vraag: geit de gemeente de trajeccontrol enen daog oetzèt, want aan-ders steit het hiel peloton op de foto?

Twiede rit: de klassieker van Wèzent nao Gellik, ouch gein



EeiAai ien de Bèssèmgezèt

ChatGPT, Dall-E, OpenAI, de keunsmatige intelligentie haet het aafgeloupe jaor een hoeg vlöch genómme. Reije genóg um as redactie ouch ins aan de slaog te goon. Ver vroogte aan AI: wat mót er aan de börgemeister van Laoneke veraan-dere um toenbaarder te waere vur het groete pebliek? Het resultaat waor ... biezonder. Steit de AI toch nog nit zoe wíed as edereen zaet? Of höbbe ver een hopeloos model gekoze? Wèh zal het zegge? De kins natuurlek altied zegge ... aan wèh sjaelt niks. Allein aan sómmege sjaelt vööl.



gezoondheidsritje midde ien het wottelesezoen. Weij goon de waeg oetzien? Maoge ver protes van de lokaal boere tege 't stikstofdecreet verwachte? Goon ze geliek altied mèt hun stroontkaar het verkier bemeu-jele? Een hiel stök geit door het veld, kinnners waorsjouwe vur weijervörreming, zeker tösse Koompfeld en de Weijerdiek. De bonuspries vur de winnaar: ze gewich ien wottele! Dao rijste den kas vur laeg!

Derde rit: geit door 't Lao-nekers hoeggebergte. Vertrèk ónder aan de Berregstraot, dan nao de Kèrrekstraot, de Bèsse-merberreg EN de Daalbroek-

straot, en dat ien einen aojem. De beveurraoding ès ien La Butte ien Neerhare, mèt drei geng (wel iensjrieve). Vur de winnaer steit ien Rèkem een Aldi-tuut brikke te wachte. Het begeen van e nuij hoese.

Veerde rit: mónemeenterit van Rèkem nao Smèermaas: Langs kestiel Pietershem, geit het dèn daog messjien ins ope zien? Weure de archeologische voonste ónder de modder en begreujing oetgehaold? Daan via de Neanderthalersite, het kapelleke van Striedèrrep, den draod van Kèsselt, het smókkel-sträötje Smèermaas ien vlegen-de vaart nao het standbeeld van Jefke Huysmans, boe ouch de meet lik. Bonuspries, enen oto vur e jaor van Car&Lisi. Carlisi?

Lèste rit: Smèermaas-Laone-ke, get vur de spurters, zoe plat as ene spiegel. Allein kin 'r file zien venoet Mestreech aan de leechte. De winnaer krijg van edere bekker oet Laoneke een proemevlaai deij op het podium deent opgeaete. De zouws al vur minder bang zien um te winne en dan drei daag aan de sjiet te zien.

Laoneker Diksjenaer

Alcool:	good bewaarmiddel mèt e hoeger percent dan op einder welke baank.
Bovekaant:	dao boe de opening van d'n peent ès.
Commentaar:	oetlèk vur get wat ondudelek ès of geroddel bij get wat wel dudelek ès.
Declinatie:	per definiesie, de deflexie ès de facto gededucteerd bij het detecteren van ene decoratieve decolleté. (vur de al get gelierder luij van Laoneke! Snap ger gein kloete tevaan, weij iech, lach demèt en laot uch nit kinne!)
Èllef:	magisch getaal vur minse met ploeme op de kop. (nein, nit ien de vot, alhoewel...Edere pauw haet gaere vère op z'n koont)
Groondslaog:	Het resultaat van het kontak mèt de vaste grond nao het verluus van d'n ewevich.
Haandwerrek:	werrek waste met d'n han mós doen, dus zeker nit weggelag vur poletiekers. Bij deij gilde hit dat grèje)
Telepiele:	dat zaet ene zaote mins as 'r mót goon pisse.
Jas:	poletiek umhòlsel dat gedreijd kin weure.
Koerse:	hiel hael spurtje vur aste mós goon pisse. Kin slech aafloupe en dan numme ze dech e brookzeikerke strategische kamoeflaasj.
Lingerie:	hink aaf van aan welke taofel daste dech bevin.
Massere:	Oftewel ien den spiere laote kniepe en wrieve (leefs door e sjoen pupke), oftewel stoete met dene keu ien loedrechte staand.
Neijmechien:	beroepstippelaerster.
Oksel:	thermometerhut.
Peent:	maatglaos dat altied gevöld mót weure.
Quo Vadis:	nao Ben Hur kieke.
Rx:	foto's gemaok op de berreg en boeste nit bij hoofs te lache. Aan te raoije vur de zoerproume.
Slivenhier:	ne mins dèh edere waek nog ene kier ien een kèrrek te vinde ès. Opgepas! Een oetsterrevend ras! steunrek bij het peente pakke.
Toog:	koet boe vertaerde zweit ien verdwijnt.
Urinoir:	Laeg peent opsjuive um een nuij te kriege.
Verzèt:	Hollandse bak, ès 'r oets gewaes meh nou nitmie.
Wasbak:	Das 'ne meuijleke? Vur minse deij ins good kinne naodeenke. Steit messjiens ien de verkierde gezèt! tillefoon ien 'ne silo.
Xylofoon:	aste gósting krijs vur te aete.
Yam-Yam:	um op te goon (het ès daan ouch nit vur niks karneval). En nouw ès den diksjenaer gedoon.
Zwier:	

iech winkel(h)ier, diech ouch?
koup bij ós óndernimmers

HAAR SALON
Sharon Kessen
0491 40 27 77
Dorpsstraat 7
3620 Gellik

Break Time
Hier staat de tijd even stil om te genieten van een lekker broodje, drankje en ijsje.
Marijke & Wilfried
Stationsstraat 91 • 3620 Lanaken
+32 89 23 20 68
info@breaktime-lanaken.be

Alleen op afspraak
Bijenteeltmuseum Lanaken
Bessemersstraat 432
achiel.geurts@telenet.be
BIJENHOUDEN IS EEN HOBBY
UIT LIEFDE VOOR DE NATUUR

Autobanden Pé
Bel en bestel:
04 79 04 02 91
www.autobandenpe.eu

DE ROET NEUS
Carnavals- & Feestwinkel
oet simpatie

Bouwwerken LaBri
Bessemersstraat 410
3620 Lanaken

PORSCHERMENS
BANDEN - VELGEN - ONDERHOUD
Kiezelweg 365
3620 Lanaken
JO HERMENS +32(0)474-329692

BELGIAN ENERGY
Molenweideplein 26
3620 Lanaken
Tel 089/71.82.82
www.belgian-energy.be
ZONNEPANELEN, THUISBATTERIJEN, LAADPALEN & AIRCO'S

Saniboetiek N.V.
Verwarming & Sanitair
Europark 18 | Industriële zone 3 415 | 3620 Lanaken
T 089 71 53 38 E info@saniboetiek.be W www.saniboetiek.be

papillon
uitvaartzorg
Rijksweg 558 te Maasmechelen
24/7 bereikbaar op 089/258 288

Café Groene Woud
Waterstraat 143
3620 Lanaken
**GEDURENDE DE CARNAVAL
ALLE DAGEN OPEN VANAF 9.30 U
WOENSDAG HIERINGBIETE**

Citytax Laoneke
089 23 56 57

BOVA NATUURSTEEN BVBA
Industrieweg 110, 3620 Lanaken
T 089/77 33 03 F 089/73 33 04
info@natuursteen-bova.be
www.natuursteen-bova.be
■ Alle werken in graniet, marmer, arduin, composiet, kalksteen
■ Trappen, keuken- & badkamertabletten, tafels, vensterdorpels, brievenbussen, enz.

M
MOVE & IMPROVE
KINESITHERAPIE
KERKPLEIN 30
3620 LANAKEN
089/21.51.81
www.mikine.be
Uit sympathie

alsan
J.BASTIAENS BILZEN
Tongersestraat 80 - Bilzen www.bastiaens.be
Verwarming - Sanitair - Ventilatie

GOBO
Transport & Logistics
Tongersesteenweg 53 • Lanaken • 089 71 00 70
www.gobo.eu

GUSTAAF GERITS
CENTRALE VERWARMING - SANITAIR - VENTILATIE

iech winkel(h)ier, diech ouch?
koup bij ós óndernimmers

Elektro FREBO

Bemelmans Erik
Boudewijnlaan 26
3630 Maasmechelen
frebo@telenet.be
0032-475-611985

GRONDWERKEN - INFRAWERKEN - RECYCLING - BETONCENTRALE - CONTAINERVERHUUR
HERWEY

Europark 114 - B - 3620 Lanaken - Tel. +32 89 73 16 20 - info@herwey.be - www.herwey.be


BNP PARIBAS FORTIS
Lanaken - Riemst - Rekem

Als de Ridder touw ès, ès er toch ope,
door de blómme-otomaat kinste altied blómme blieve koupe!

Bloembinderij de Ridder
089 711 911
aan de groete bol
op 't begeen van de
Jan Rosierlaan (nr. 57)


de Jonge
Houthandel
Bouwmaterialen
DOE-HET-ZELF
Staatsbaan 78, 3620 Neerharen-Lanaken
Tel: 089/71.44.79 • Fax: 089/71.27.51
email: dejonge@dejongehoutenbouw.net
www.dejongehoutenbouw.be

GROEP Christoffels

BEWAKERS VAN GELUK
verzekeringen en vastgoed
Bessemstr. 454, 3620 Lanaken
Tel. +32 (0)89 73 03 00
www.groepchristoffels.be
info@groepchristoffels.be

- Primus viert carnaval in Lanaken -

Brouwerij HAACHT Brasserie
Provinciesteenweg 28, B-3190 Boortmeerbeek
tel +32 (0) 16 60 15 01 - info@haacht.com - www.haacht.com
Bier met helde gebrouwen, drink je met verstand

drankenhandel POESEN
Schutterijstraat 4 | 3740 Bilzen | T 089 412 272 | www.drankenhandelpoesen.be

Tuincentrum Miermans
Doelstraat 109 • B-3690 Zutendaal
T 089 61 17 81 • info@tuincentrummiermans.be
Bloemisterij Tuinonderhoud Tuincentrum Dierenbenodigdheden
Openingsuren: di. t.e.m. za.: 09u.00 - 18u.00
zo.: 09u.00 - 16u.00 • Maandag gesloten

HK KEUKENS BADKAMERS
INDUSTRIEWEG 58A • LANAKEN • T +32(0)89 73 85 80
www.hkkeukens.be


H. KEULEN BETON N.V.
Tournebride 20 | 3620 Lanaken
Tel. 089/72.18.70 | Fax 089/72.19.17
www.keulenbeton.be


✓ VERZEKERINGEN ✓ KREDIETEN
Zakenkantoor Tom Beckers
Ernest Claesstraat 5
3620 Lanaken
089 732 112

JONGEN IMMO MEUWISSEN
Stationsstraat 50,
B-3620 Lanaken
089 71 35 61
immo@jongen.be • www.jongen.be

VIPclean
089-77.55.13
MAASMECHELEN REINIGING NA BRAND

Taking home good moments

McDo Lanaken


De Batteraofkes

nuije groep

Hallo, vèr zien CV De Batteraofkes, 'ne nuije karnevalsgroep mèt enthousiaste lede oet Gèllik en umstreke.
Vèr wille als jóngere deilnumme aan het leuke karnevalslaeve ien en roond Laoneke. Ver zien ien augustus '23 gestart ónder de vleugels van ós awwers. Deij kinne de kneepkes van het ve-eineginslaeve mèt de to-do's en don'ts. Ver hóbbe al get bals be-zeuk en zellefs al ene Grieksen aetdaog georganiseerd mèt 300 hóngerege aanwezige. Ós ierste succes, mèt daank natuurlek aan de bezoekers. Ver zien van plan op de stoete en bals ien Groet-Laoneke te versjijne. Messjien kinne ver zoe ós stein-tje bijdraoge aan de verjónging



van de karneval. Ver doen ouch enen oproop nao jóngere ve-naaf 14 jaor, um bij intresse bij óze groep aan te slete. Weij mie ziele, weij mie karnevalspezeer. Intresse? Stuur ós e mailke mèt

uch gegaeves (naam, adres, til-lefoonnummer) nao cvdebat-teraofkes@gmail.com en ver numme gaw contac op. ALAAF! Veurzitter: Ronny Willems. On-derveurzitter: Thomas Willems.

De Volendammers



Hendrik Reynders haet e gaans arsenaal aw foto's en zouw mèt de losse haand zoe e geweldeg historisch portret van Laoneke kinne maoke.
De Bèssemgezèt ging op bezeuk en kaom trök met ene foto van de groep "De Volendammers" oet de jaore viefteg. De groep toent hiel get bekinde gezichte

en weurt door de speurders bin-nen de redactie op ein of aan-dere meneer (instrumeente?) geleenk aan Wuim en Teursel ien de begeenjaore. Ouch huur iech zègge dat 'r minse opstoon van de Errek, de Boelvaar en den Heuvel. Een absolute zeker-heid ès Mathieu Winten van op den Heuvel nève de dikke tróm,

Eertmans van de Hellingstraot, Vanderhallen van de Boelvaar, vader en zoon Maesen van de Errek, Meuris en mèt raedeleke zekerheid steit ouch Madam Vanreymersdael t'rop.
Aan uch thoese um uch awwers, groetawwers te herkinne en leu-ke herinneringe aan de res van de famelie door te vertèlle.

Cv de party-narren



Vèr zien 'ne beginnende kar-nevalsgroep oet Veldwèzelt, ien ierste instaanse opge-richt vur kinder. Wat vur al-lein de kinder bedoeld waar, greujde al gaw oet tot 'nen hechte familiegroep vrún. Zoe hóbbe ver het hiel jaor ónderling contac en doen ouch saome activiteite boete het karnevalssezoen. Ver hope op dees meneer nog jaore te kinne doorgoon en zoe vööl plezeer te belaeve.



Kiek oet. Veiligheid steit veurop! Venaovend geit alle aandacht nao het draoge van greune fluohesjes, valhelme en wolle zokke.



Ter zake • Jean-Luc Dehaene keump ven-aovend de breuk tösse Vera Jans en Boris Jelsink herstelle.



Claus 3: De familie Claus deit alles um de kinder het keersgeveul bij te bringe. Ze höbbe zelfes versterreking gekrege van enen houte klaos(?)



De slimste mins: Wat een spannende aflevering. Den eine wis niks, den aandere hiel niks, de derde zit ien de gemeinteraod, dus dao-euver kin iech niks zegge.



S.O.S. Piet XL • Vervolleg van de XVIde aflevering. Daisy wil Bèssemkeukskes bakke.



De Laoneker Verhulskes höbbe hun hoes en den hiele sante-batuk verkoch vur e luxelaeve ien het mondaine Saint-Tropez.



Cheers: Hèt ès altied gezellig ien de kantien van den LVV op het domein van sportpark Sportoase. Weij dat keump? Door de gooj klaante Pierre van Pacha en Franky Slangen, charmaante oetbaatster Sonja Pernet, speler Jeroen Opdenaker tösse de roej kaorte door en alles ónder de arendsauge van de veurzitter. Ronny Bollen. Cheers oftewel ien het Laonekers “Gezondheid of proost!”




Foto oet 2035. Boris en Bernd maoke de ziediek ien Smèermaas onveilig mèt hunne scoot-mobiel.



Darts de hoop: Ien café “de Hoop” ès een nuij dartsclub opgerich. Tot op vendaag ès ’r nog gein pijlke ien de buurt van de roes gekómme. Laote ver de “Hoop” mer nit verlere. De moer t’rachter kin wel e paor kilo stopverref gebruke. Deij twie op de foto (Ronny en Jumpie) lègge het probleem bij het leech. Zelf zien ze ouch nit het groet leech.



Kabouter Plop. Plopper-deplodderdeplod, en nog ins plopperdeplodderdeplod.



Hunger games: Ech oetgehóngerd zuut óze Laoneker acteur nit oet. Dat zal nog wel kiere as de strijd losbrik op de hóngerspele. Mèt deij paor paolinge, slange en een mósje geit ’r zen energienivo nit kinne op peil hawe. Live te volge op NETFLIX!



De jonge Stefan Wonka druimp tevaan ene sjokelaat- en prelineweenkel te opene ien de stad Rèkem, mèt z’n historisch stadszich. Her haet gaw door dat dat geine kattepis ès. De stad weurt bestuurd door e plaatselik kartel. Nit seempel.



Mario Bros the Movie: Twie echte manne zien nit gaw oet hun loed te sloon en höbbe de jach ingezat op verstoppinge ien hiel Laoneke.



Aquaman: Aquaman haw ze plekske iengenómme op den troen van Atlantis, meh nit vur lang, later mós ’r de mach deile. Dat veel nog mèt, thoese haet ’r hielemaol niks te vertellen.



De Napoleon oet Gèllek kiek mer beteuterd nao het verloup van de Slaog bij Waoterloo. Her mótt strijd voere mèt gewaer en perkuukskes. De vijand krijg steun van de NAVO mèt F16’s van het Belsj leger. Lang geit dat nit good goon. As de pilote gepeuf höbbe van de “Napoleon Brandy” zal het gaw gedoon zien.



Opgelet! De fillem dreug gein WOKE-label. Be-kieke op eige risico! Ouch mèt het verbod op plastic geit Barbie Maryse op zeuk nao häöre Roy.



Nachwach: As ze ien het kestel aankómme en alles op orde wille zètte, mèrke ze op dat hiel raar zaake gebäöre. Spannend!



Ien het program “**Dat hit dan gelökkeg zien**” versie Laoneke, kin kebab, hotdogs of de Mc.Donalds de deilnummers nit bekore. Ien volle vaart dan mer nao de Gèlleker frituur Margot. Ze hawwe wel de trajecontrol op de Dörrepsstraat oet het aug verlore. Gevolg? Ene kleinen hamburger en een dikke gasboete.



One Direction: De zanggroep “One direction” ès deze zomer op de zomerfieste ien ’t centrum van Laoneke um de kezers te euvertuige um vur “het” team te stumme. The “A” team wil absoluut het roer van het sjeep ien han hawe.



The masked singer: Roland és as aajd-laegermaan gewind um zich te camouflere. Dat deil geit lökke. Zinge? Da’s get anders, her haet wel precies een boekstum en dat ès good!

HURKMANS
In- en Verkoop houten pallets

Sandersweg 200
6219 NW Maastricht
Tel. **31(0) 43 3251111

Van Akenweg 90
6218 HP Maastricht

info@hurkmanspallets.nl

www.hurkmanspallets.nl

Beenhouterij Otten
Henri Dunantstraat 10 • Lanaken • tel. 089 71 42 84

Open: dinsdag-vrijdag van 8.00-12.30 en 13.30-18.00,
zaterdag doorlopend van 8.00-17.30 • Zondag en maandag gesloten.

BABYSPECIAL

UGGE BABY, IEN DE GEZET

BRING UGGE FOTO BINNE

Ver deenke er nog euver nao, meh de kaans ès groet dat ver ien de volgende Bèssemgezèt ene BabySpecial goon bijvoege. De foto van ugge baby kint ger alvas binnebringe bij Den Deens Vrijen Tied (Aan den Ingelse Hoof) ... En daan ès het aafwachte: **STEIT UGGE BABY IEN DE VOLGENDE GEZET?**

Stoet ien Laoneke

Alles euver de 50-ste Bèssemkaravaan

- | | | |
|--|---|--|
| 1 Het Böske van de Pelies | 23 De Seffenère | 46 K.V. De Nuije oppositie |
| 2 De Pläkkerkes | 24 Vrienden van de ster | 47 K.V. De Brikkebekkers Rekem |
| 3 Het Roet Kruus | 25 Discotheque K2000 oet Bitsingen | 48 De Nuije Rijaloet |
| 4 De reklamstoet | 26 C.V. De Nuije Coalitie | 49 C.V. De Eierdöpkes Gellik |
| 5 De manne van de stoetcommissie | 27 C.V. De Jipie's Schakkebroek | 50 De Klungelère |
| 6 Den oto van de preens | 28 Jetje | 51 C.V. De Gelliker Galliaren |
| 7 Heks van de Raod van Laon tot Aoke | 29 Sambaband Segunda Rodada Maasm. | 52 K.V. De Shelme veldwezelt |
| 8 Jeugpreensegarde | 30 De jongens van de garage Mestreech | 53 Biestig good oet Rëkem |
| 9 Pronkwaogel van Z.D.H. Dries I en Lowie I | 31 C.V. De Dolle Shakels Genk | 54 C.V. De Taffelere Veldwezelt |
| 10 De Snotte-e-Bellen oet Vilvoorde | 32 C.V. De Keuj oet Herderen | 55 K.V. De Duvelties oet Neerhare |
| 11 Einzelgenger Jos | 33 K.V. wir dezelfde waogel Kuttelkoven | 56 K.V. De Duvelkes oet Neerhare |
| 12 C.V. De Schaommenekes oet Hoeselt | 34 C.V. De Foefelère oet Bilzen | 57 C.V. Just op Tied Veldwezelt |
| 13 Wir al nit verkozen | 35 K.V. Van alles Gët oet Rëkem | 58 K.V. De Doorbieters |
| 14 Vöske en co | 36 Carnavalscomité Smèermaos Alaaf | 59 C.V. Sjut ien & Zoep oet |
| 15 The crazy family oet Bilzen | 37 De Lééglaipers oet Zutendaal | 60 Hermenie |
| 16 C.V. Party Narren Veldwezelt | 38 C.V. 'T Kuump Good vzw Hoelbeek | 61 C.V. De Creme Kar van het ijsparadijs |
| 17 Orde Teutonische Ridders Diepenbeek | 39 Vrun zonder Noam | 62 Preensegarde |
| 18 C.V. Hesepritsers oet Hees | 40 C.V. De Batteraofkes Gellik | 63 Pronkwaogel van Z.H.D. Preens Wouter I |
| 19 C.V. De Loltrappers | 41 C.V. Knatsigek oet Laoneke | 64 Alle Kermelleraopende kinder |
| 20 KV Albanus & De Sjoemeleire Vlijtingen | 42 C.V. Wottelzekskes vzw Wèzent | 65 Het gemeintepersoneel |
| 21 Hofkapel Vreugd in Deugd Zussen | 43 Einzelgenger Zwip & Johnny | 66 Het Böske van de Pelies |
| 22 Einzelgenger Tom en Sven | 44 Jus te Nève | |
| | 45 C.V. De twiefeleire | |

SIDEX
UW ENERGIEDESKUNDIGE

TOMMY'S CARROSSERIE

PERFECTE KWALITEIT EN SERVICE...
DAAR STAAN WE VOOR!

HERSTELLING ALLE MERKEN
ERKEND HERSTELLER
VRIENDELIJK ONTHAAL EN VAKMANSCHAP !!

Ambachtsweg 9
3620 Lanaken
089/21 62 34
0475/40 76 02
www.tommiscarrosserie.be

GC

GC TECHNIEK bvba
Bouw & Installatiewerken

info@gctechniek.be • www.gctechniek.be

Belfius
Bank & Verzekeringen

Agentschap Lanaken

Dagelijks Bankieren - Beleggingen - Verzekeringen - Kredieten - Business

Stationsstraat 12, 3620 Lanaken
E-mail: AG047845@mandat.belfius.be - Telefoonnummer: 089/73.01.80

Silmaco - Silicates Manufacturing Company

is the partner for high-quality customized silicate. Our focus on innovation and quality guarantees your company the best silicate for your application.

Silmaco, your partner for customized silicate

SILMACO
SILICATES MANUFACTURING COMPANY

SILMACO NV • Industrieweg 90, 3620 Lanaken
Tel: +32 89 730 222
info@silmaco.com • www.silmaco.com

PROFFIX.EU

VOOR PROFESSIONALS
IN DE BOUW, INDUSTRIE, RENOVATIE & INSTALLATIE

CHAPEWERKEN
Smeets

Molenbergstraat 1
3620 Lanaken
BE 0862 035 238

tel.: 0477/610244
woutersmeets@skynet.be

FASTFOODONTHEROAD

Al Meer Dan 30 Jaar

Fast Food Levenswijze Op UW Locatie !!

Weg 7% af

+32-485-291666
info@fastfoodontheroadbelux.com
www.fastfoodontheroadbelux.com

- Frietwagens
- Hamburgerwagens
- Pizzawagens
- Kebabwagens
- Viswagens
- Nacho- & Tosti- Hut
- IJsker & Wafel-Stand
- Vers Fruit Stand
- BBQ-Stand
- Warm- & Koud- Buffet
- Ook Halal-Vrees

G&G
PASTA-BAR

KLOKSTRAAT 6 - 3600 GENK - T 089 35 30 35
WWW.PASTABAR-GG.BE

IMMO FAIR

(VER)KOPEN
ZONDER
ZORGEN

WWW.IMMOFAIR.BE

DC BORINGEN

DIAMANTBOOR- & ZAAGWERKEN

Boren en zagen in beton,
steen en asfalt

T. 089 20 47 67
www.dcboringen.be

ons moment

prive wellness & massage
www.onsmoment.be

Bouwwerken
LATHOUWERS RUDI
bvba

Lanaken
Tel. 0498-80 22 01
Fax 089-20 57 58

HUYSMANS-RUETTE
BOEKHOUDING & FISCALITEIT

MARION RUETTE
0494 23 80 86
MR@GUNTHERHUYSMANS.BE

GUNTER HUYSMANS
0476 59 60 06
GH@GUNTHERHUYSMANS.BE

JAN ROSIERLAAN 8 • 3620 LANAKEN
TEL.: 089-72 37 54 • FAX: 089-72 37 55
BTW: BE0641.972.823 • FORTIS: 001-7681474-23
REG.NR. ITAA 50.511.738

CAFE FITNESS

Kerkplein 5 • 3620 Lanaken • 089 71 74 47
fitnesstraffic@skynet.be • www.fitnesstraffic.be